


二十二史攷異

後漢書三續漢書三三國志一
十二之十五



漢書門			
九	三	〇	三
冊	架	函	號
二〇	一〇	七〇	二〇

內閣文庫			
九	三	〇	三
函	冊	架	類
二	一	〇	〇

內閣文庫	
番號	漢 9203
冊數	20 (4)
函號	298 2



Vertical text columns on the left page, including a faint rectangular border. The text is extremely faded and illegible.

後漢書三

淺草文庫

廿二史攷異十二

錢大昕學

崔駰傳

涿郡安平人 安平縣本屬涿章帝建初四年改隸樂

成國順帝改樂成國為安平因縣以名也桓靈之世

安平改隸博陵郡故孔彪碑陰故吏名有博陵安平

崔烈而程夫人亦稱烈為冀州名士也涿郡屬幽州

樂成博陵則屬冀州

犯孔戒之治容注易繫辭曰治容誨淫鄭元云謂飾其

容而見於外曰治 治容鄭本作野容故有見於外

後漢書

後漢書三

一

之訓

貴啟體之歸全兮庶不忝乎先子 按崔宗仕莽顯貴

篆亦至二千石已昧守貞之誼漢室中興正當匡時

以益前愆乃更辭歸不仕去就偵到如此而云無忝

先子何顏之厚乎此傳敘述家世詞多溢美蓋由東

觀諸臣阿其所好蔚宗承其舊文不加芟削未為有

識也 東觀記儒林傳有崔篆乃元嘉初增入其時崔寔為史官即篆元孫也

當其無事則躡纓整襟注躡踐也此字宜從手廣雅云

躡持也史記曰攝纓整襟 按說文攬理持也字宜

从手不从足史記日者傳本作獵纓正襟獵亦攬之

譌此作攝者因下文相涉而誤

吾亦笑子肩肩而不已也注肩肩猶區區也 按王良

傳往來肩肩不憚煩也注引方言云肩肩不安也二

注互異當以彼注為是

豈可不庶幾夙夜以永眾譽 古音眾如終春秋傳眾

父卒釋文音終 葛本改作終非

周燮傳

荀恁字君大 按劉平傳數薦達名士承官郇恁等即

此荀恁也說文無荀字當以郇為正恁父越見漢書

鮑宣傳亦作郇

蓋詭時審已以成其道焉注詭違也 按中庸云君子之道費而隱鄭氏注言可隱之節也費猶俛也道不費則仕俛與詭同費本又作拂拂亦訓違此序云詭時審已以成其道即記所謂君子之道費而隱也馮衍傳詭於衆意注亦訓詭為違

常肆勤以自給注肆陳也 肆當為肆字之譌

黃憲傳

余曾祖穆侯 按范甯撰穀梁集解往往采其先人及兄弟子姪之說蔚宗作史亦舉曾祖穆侯汪王父豫章君備先大夫宣侯泰

楊秉傳

中常侍單超弟匡 按弟五種傳以匡為超兄子宦者傳以為超弟子

楊賜傳

熹平二年代唐珍為司空 按靈帝紀熹平二年正月司空宗俱薨二月以光祿勳楊賜為司空七月司空楊賜免太常唐珍為司空是賜代宗俱而珍代賜也傳誤

以問侍中任芝中常侍樂松 按中常侍惟宦者為之樂松初為鴻都文學見酷吏繼為侍中祭酒見蔡邕傳又

為奉車都尉見劉陶傳皆非宦者之職賜前上書言樂松處常伯漢人稱侍中為常伯則松官侍中明矣此云中常侍誤也

濟北王壽傳

永和四年立戰鄉侯安國為濟北王 和帝紀封故濟

北王壽子安為濟北王無國字

河間王開傳

永寧元年鄧太后封開子翼為平原王奉懷王勝祀子德為安平王奉樂成王黨祀 按安帝紀是年與平原王同封者乃濟北王壽之子樂成王萇也其明年

為建光元年鄧太后崩樂成王萇亦以罪廢又明年為延光元年始改樂成國為安平封河間王開子得為王得與德本一人也此傳蓋有脫文

熹平三年使使拜河間安王利子康為濟南王 按光

武子有濟南安王康此濟南王亦名康先後同國同

名亦可疑也

御覽引續漢書此濟南王名叟

張皓傳

時清河趙騰上言災變譏刺朝政章下有司收騰繫考按楊震傳河間男子趙騰詣闕上書指陳得失帝怒收考詔獄震上疏救之帝不省騰竟伏尸都市此

安帝延光二年事也皓為司空在順帝永建元年冬
又有趙騰以言事獲咎因皓上疏諫得減炊一等相
距僅三四載姓名又相同疑一事而傳聞異詞也

王暢傳

聞伯夷之風者貪夫廉懦夫有立志 此語見孟子今

本貪作頑貪與廉相反當從貪為是 丁鴻傳論亦同

种劭傳

及左中郎劉範諫議大夫馬宇 董卓傳云侍中馬宇

右中郎將劉範

劉陶傳

武旅有鳧藻之士注武旅周武王之旅鳧得水藻言喜
悅也 按今文太誓云師乃鼓鼗諫師乃摛前歌後
舞鳧藻即鼗諫文異義同也杜詩傳將帥和睦士卒
鳧藻亦用斯語章懷知其為武王事而不引太誓以
實之

謝弼傳

建寧二年 一本作三年 詔舉有道之士弼與東海陳敦元菟

公孫度俱對策 按靈帝紀建寧元年五月詔郡國

守相舉有道之士各一人二年當是元年之誤

時青蛇見前殿 五行志熹平元年四月甲午青蛇見

御坐上楊賜傳亦以弼封事證之當是建寧元年非

熹平也

又熒惑守亢 天文志不載此事

今之四公唯司空劉寵斷斷守善餘皆素餐致寇之人

注四公謂劉矩為太尉許訓為司徒胡廣為太傅及

寵也 按劉寵為司空在建寧元年注所舉太尉劉

矩亦以元年十一月免官似章懷本元是建寧元年

非二年矣惟許訓為司徒與本紀未合

蓋勲傳

昔莊賈後期穰苴奮劍 按東漢人避明帝諱改莊為

嚴此稱莊賈董卓傳亦有穰苴斬莊賈之語明帝紀

楚莊無災以致戒懼皆後來校書者不學輒改之也

西南夷傳楚頃襄王時遣將莊豪又云滇王者莊躄

之後西羌傳魯莊公伐秦此蔚宗敘事之詞故不避

漢諱

張衡傳

祖父堪蜀郡太守 按張堪在列傳第二十一卷彼云

南陽宛人此云南陽西鄂人縣名小異耳何屺瞻謂

別一張堪非是朱暉傳稱同縣張堪暉亦宛人也

不見是而不愔注愔猶悶也 愔悶聲相近

繡幽蘭之秋華兮 說文繡維網中繩也讀若畫又讀若維諸家讀爲戶珪反者是也章懷讀爲纂則文當从雋攷說文有繡無繡章懷音誤矣

羈要裊以服箱劉攽曰案要裊古良馬當作裊从馬按要裊之名本取疊韻劉必攷从馬則要亦當作驥所謂泥俗而不通于古也文選羈作繫

愁蔚蔚以慕遠兮 文選作鬱鬱

顛羈旅而無友兮注顛獨也 顛與塊同聲相近說文

顛讀若魁

馬融傳

詩詠園草注韓詩曰東有園草 園當從閩本作圃詩

東有甫草鄭氏讀如圃

其土毛則摧牧薦草注摧牧未詳 摧蓋與萑同爾雅

萑山韭是也牧菽藿也

陳子籌昏注陳子陳平善於籌策也 陳子古之善筭者周髀經云榮方問于陳子是也章懷以爲陳平誤矣

旃旒摻其如林 說文旃建大木置石其上發以機以追敵也詩曰其旃如林季長所見本與叔重同

獄齧熊注齧亦狂也 齧當作獠

殊異

天地虹洞注虹洞相連也 虹洞與鴻洞同

駭洞底伏注底伏猶滯伏也 春秋傳物乃坻伏鬱湮

不育注坻止也坻與底同

族孫曰礪 按三輔決錄云馬融族子 見袁紹孔融傳注

蔡邕傳

出補河平長 郡國志無河平縣

宣王遭旱密勿祇畏 按雲漢之詩云黽勉畏去劉向

引詩黽勉從事作密勿從事向世習魯詩知魯詩黽

勉字皆作密勿矣伯喈封事蓋用雲漢詩文而章懷

不能注也 胡廣傳密勿夙夜傳毅傳密勿朝夕謝夷吾傳密勿在公

今者道路紛紛復云有程大人者 按陳球傳云陽球

小妻程璜之女璜用事官中所謂程大人也漢時官

人中者宿皆稱中大人 見鄧禹傳 韋昭云古者名男子為

丈夫尊父嫗為大人故宮婢亦有大人之稱崔烈因

傳母入錢得為司徒烈傳所云程夫人疑即此人

叔父衛尉質又與將作大匠楊球有隙球即中常侍程

璜女夫也 楊當作陽據陳球傳則程璜即程大人

乃是女子此傳云中常侍則是宦者非婦人矣未審

誰得其實

左雄傳

文異

後漢書三

褒豔用權注褒豔謂褒姒也豔美色也 按章懷注用
毛氏說鄭康成則以豔妻爲厲王后謂正月惡褒姒
滅周十月之交疾豔妻煽方處則褒豔非一人此疏
上言幽厲昏亂下言褒豔用權則亦與鄭氏說同魯
詩豔作閻尚書中倏作剡閻剡豔文異實同蓋其女
族姓非訓美色也漢成帝時谷永對策云昔褒姒用
國宗周以喪閻妻驕扇日以不滅兩漢經師皆主此
說故康成從之

或色斯以求名 此用論語以色斯當遠舉之義三國
志崔琰傳哲人君子俄有色斯之志漢張壽碑常懷
色斯元賓碑翻翬色斯鄭固碑將從雅意色斯自得
斥彰長田君碑色斯去官抱朴子外篇或色斯而不
終日蓋漢魏人用歇後語多如此

周舉傳

延熹四年辟司徒李郃府 延熹當作延光

黃琬傳

出爲魯東海二郡相 按漢制諸侯王國稱相郡稱太
守此郡當爲國之誤

荀淑傳

有子八人儉緝靖熹注爽肅專 專當作專卽敦字陶

文是

後漢書三

七

淵明四八目云儉字伯慈緄字仲慈靖字叔慈燾字
慈光汪字孟慈爽字慈明肅字敬慈尊字幼慈見張
璠漢紀

荀爽傳

行至宛陵 宛與苑同此河南之宛陵非丹陽之宛陵

陳寔傳

字仲弓 洪氏隸續載陳寔碑云字仲躬

中平四年年八十四卒于家 碑云春秋八十三中平

三年卒

李固傳

司徒邨之子也邨在數術傳 數術當作方術

吳祐傳

所謂觀過斯知人矣 今本論語人作仁古書仁人二
字多通用然以人義爲長

延篤傳

爲平陽侯相 此山陽之南平陽非河東之平陽

孝悌也者其爲人之本與 此據葛氏本 諸本皆作仁 今本論語人

作仁按初學記友悌部太平御覽人事部引論語俱
云其爲人之本與有子先言其爲人也孝弟後言其
爲人之本首尾相應亦當以人爲長也

史弼傳

陸下降於友于 按袁紹傳亦云友于之性生于自然
六朝人好用此語三國志陳思王植傳今之否隔友
于同憂吳三嗣主傳友于之義薄矣許靖傳注處室
則友于不穆晉書長沙王又傳友于十人同產皇室
東萊王綦傳曾無友于之情王渾傳虧友于款篤之
義傅咸傳無友于之情孝友傳論篤友于而宣範宋
書廬江王禕傳克敦友于桂陽王休範傳先帝穆於
友于范泰傳孝慈天至友于過隆南齊書豫章王嶷
傳友于之愛垂友于之性朕友于之深王思遠傳友

于甚至梁書陳伯之傳朱鮪涉血於友于南史齊文
惠太子傳太子見上友于既至梁臨川王宏傳武帝
於友于甚厚袁象傳辨讞之日友于讓生北史李順
傳篤穆友于見稱於世李謐傳幼事兄瑒恭順盡友
于之誠薛聰傳友于篤穆房彥謙傳上副聖主友于
之意要皆濫觴于後漢也

盧植傳

將有楚人脅比尹氏立朝之變 公羊傳靈王作乾谿
之臺三年不成楚公子棄疾脅比而立之章懷注不
引公羊而引左氏周走而呼云云非植意也

皇甫規傳

自以連在大位欲退身避第 第當作弟避弟謂已避位而弟得辟召也此事見風俗通過譽篇下文避第仕塗亦弟字之譌章懷注謂欲歸第避仕宦之塗誤矣

張奐傳

敦煌酒泉人也注酒泉縣名地多泉水今永州晉昌縣

東北 閩本永作陽攷唐書地理志晉呂縣屬瓜州永陽二字俱誤

按酒泉郡名

非縣名當作淵泉胡三省注通鑑云奐敦煌淵泉人胡所見本尙未譌也漢志敦煌郡有淵泉縣晉志作

淡泉蓋避唐諱章懷本亦當作淡後人妄改爲酒耳郡國志作拼泉拼亦淵字之譌

陳蕃傳

車駕幸廣城校獵注廣城苑名在今汝州梁縣西城當作成馬融上廣成頌卽此

齊景公欲觀于海放乎琅邪晏子爲陳百姓惡聞旌旗輿馬之音舉首頓眉之感 此誤以孟子對齊宣王語爲晏子之言

黨錮傳

郭林宗賈偉節爲其冠 按何顥傳亦云郭林宗賈偉

文是

後漢書三

三

節等蔚宗避家諱故郭泰不書名并偉節亦字之岑
暉傳郭林宗朱公叔等皆爲友亦因郭而及朱也

范康 荀淑竇武傳並作苑康

張儉 外黃令毛欽 胡三省曰外黃縣屬陳留郡黃
縣屬東萊郡毛欽蓋爲黃縣令外字衍

郭太傅

初太始至南州過袁奉高不宿而去從叔度累日不去
或以問太太曰奉高之器譬之泛濫雖清而易挹叔
度之器汪汪若干頃之陂澄之不清撓之不濁不可
量也已而果然太以是名聞天下 予初讀此傳至

此數行疑其詞句不倫蔚宗避其父名篇中前後皆
稱林宗卽它傳亦然此獨書其名一疑也且其事已
載黃憲傳不當重出二疑也叔度書字而不書姓三
疑也前云於是名震京師此又云以是名聞天下詞
意重沓四疑也後得閩中舊本乃知此七十四字本
章懷注引謝承書之文叔度不書姓者蒙上入汝南
則交黃叔度而言也今本皆僂入正文惟閩本猶不
失其舊閩本係明嘉靖己酉歲按察使周采等校刊
其源出於宋刻較之它本爲善如左原以下十人附
書林宗傳末今本各自跳行閩本獨否

泛濫黃憲傳
作汎濫謂汎

泉濫泉也
此作泛譌

孔融傳

故發辭偏宕 說文宕過也

荀彧傳

朗陵令淑之孫也 荀淑傳補朗陵侯相漢制縣為侯

國則置侯相一人治之其職與令長同故亦通稱為

令也東萊之不其亦侯國而董恢傳稱除不其令

明年又為操鎮東司馬 此初平二年之明年也據魏

志操為鎮東將軍杜建安元年則初平三年安得便

稱鎮東司馬乎魏志彧傳本云明年太祖領兗州牧

後為鎮東將軍常以司馬從然則領兗州杜此年而

除鎮東司馬不杜此年也范史剛去領兗州句遂誤

以鎮東司馬為是年事矣

將軍本以兗州首事故能平定山東此實天下之要地

而將軍之關河也 按魏志彧傳云河濟天下之要

地也今雖殘壞猶易以自保是亦將軍之關中河內

也蓋上言高祖保關中光武據河內皆深根固本以

制天下故以兗州比關中河內范史剛去二字未當

袁紹既兼河朔之地有驕氣而操敗于張繡紹與操書

甚倨注陳琳為紹作檄書云云 按傳云紹與操書

文異

後漢書三

指

注以檄書當之誤矣操爲張繡所敗杜建安二年而
紹宣檄乃杜建安五年亦不相涉

皇甫嵩傳

徵爲議郎遷北地太守 按下文靈帝召羣臣會議嵩
亦與焉似無出守事或已遷而未之官耶

朱儁傳

博士鄭元等 是時康成避地徐州陶謙以師友待之
故與謙同列名中平五年康成與荀爽韓融等竝以
博士徵雖未就職猶以博士稱之也

董卓傳

乃任吏部尚書漢陽周秘 王懋竝曰漢時尚書六曹

止稱尚書不以曹名官也吏部則東漢初無此稱此
范史之誤予按靈帝末梁鵠爲選部尚書見續漢百
官志注而蜀志許靖傳亦云以漢陽周必爲吏部尚
書似漢末已有吏部之稱矣章懷注引英雄記云周
必武威人此與蜀志俱云漢陽未知孰是

殺衛尉种拂等 按獻帝紀种拂傳皆云太常非衛尉
也

四年張楊爲將楊醜所殺 按獻帝紀杜三年十二月
劉虞傳

前中山相張純 南匈奴烏桓傳俱作前中山太守

公孫瓚傳

齊桓立柯會之盟 會當作亭 典畧本作亭

陶謙傳

初會操父嵩避難琅邪時謙別將守陰平利嵩財寶遂襲殺之 按應劭傳謂謙素怨嵩子操數擊之乃使輕騎追嵩殺之二說互異當以謙傳為正操欲悉併徐部文致謙罪以為出兵之名耳韋曜吳書謂歸咎于陶謙者得之

袁紹傳

父成五官中郎將 華嶠漢書作左中郎將 見三國志注 袁

安傳云左中郎似失之

除濮陽長 許劭傳稱紹為濮陽令

少府陰循執金吾胡母班將作大匠吳循 獻帝紀循

皆作脩魏志亦作吳脩當以脩為正

操姦闖遺醜 姦當作贅漢書如淳注淮南俗賣子與

人作奴婢名曰贅子操父嵩本夏侯氏為中常侍曹

騰養子故云贅也三國志注及文選竝是贅字

劉表傳

荊州八郡可傳檄而定注漢官儀曰荊州管長沙零陵

桂陽南陽江夏武陵南郡章陵等是也 按郡國志
無章陵郡蓋漢末所增置禰衡傳黃祖子射為章陵
太守三國志太祖征荊州以趙儼領章陵太守又劉
表將有章陵太守蒯越是也水經注安昌縣故蔡陽
之白水鄉也漢元帝以長沙卑溼分白水上唐二鄉
為春陵縣光武卽帝位改為章陵縣魏黃初二年夏
從今名故義陽郡治也 章懷太子云春陵故城
在今隨州棗陽縣東 魏志
彭城王據傳黃初二年為章陵王其年徙封義陽依
酈氏說則義陽卽漢末之章陵郡非有兩地矣但酈
所云安昌縣為漢蔡陽縣地而漢之義陽侯國則平

氏縣地魏初置義陽縣卽因漢侯國之舊雖均屬南
陽郡而相距且數百里究難溷而為一竊意黃初置
義陽國雖取義陽縣為名而治所實在安昌卽章陵
郡故治但魏文多忌諱惡章陵之名置不用耳至晉
泰始初封義陽王望乃徙治義陽縣

劉焉傳

并州刺史張懿

蜀志劉二牧傳作張益

遂就拜魯鑛夷中郎將領漢寧太守注袁山松書建安
二十年置漢寧郡 按曹公破張魯在建安二十年
而魯領漢寧太守乃杜其前則漢寧之名由來已久

攷異

後漢書三

七

大率劉焉父子所表授耳山松書蓋據曹公破漢中之歲書之魏志建安二十年復漢寧郡為漢中蓋得其實矣

袁術傳

遂果僭號自稱仲家注仲或作沖 沖家猶沖人沖子也當以沖為是

循吏傳

劉矩 叔父光順帝時為司徒 按順帝紀永建二年七月太常劉光為太尉四年八月免未嘗為司徒也以叔父遼未得仕進 當云父叔遼傳寫慎倒耳見風

俗通十反篇

劉寵 弟方官至山陽太守 此別一劉方

仇覽 時考城人河內王渙 渙當作奐河內武德人見范丹傳非廣漢之王渙也

酷吏傳

周紆 常築塹以自給劉敞曰塹非築所成當作塹 說文塹瓠適也洪氏隸續有永初官塹文云睢州人掘武陽故城時或得之傳云築塹者以塹築城垣也 劉貢父破為塹非是

陽球 案松覽等皆出于微蔑 微蔑猶言微末也

爾前事吾父子如奴閩本事上有奉字奴敢反汝主乎按陽

球誅王甫輩雖快人意然球本中常侍程璜女夫又

以私憾蔡質故飛章陷質邕父子王萌所云事吾父

子如奴殆非誣也傳曰無瑕者可以戮人

宦者傳

皆剝割萌黎萌與岷通

孫程李元為襄信侯楊佗為山都侯注襄信山都竝

屬南陽郡按郡國志襄信屬汝南不屬南陽

單超故汝南太守下邳李嵩此與蘇不韋傳之李

嵩同時又同姓名

時下邳縣屬東海按郡國志下邳國十七城其一曰

下邳故屬東海凡縣名先書者為郡所治則下邳縣

乃王都所杜矣下邳王衍以永平十五年封傳國三

世至建安十一年國除超傳載徐宣為下邳令黃浮

為東海相則桓帝延熹中也豈其時下邳王已徙都

它邑而以縣仍屬東海乎

曹節越騎營五百妻有美色輿服志謂之伍伯衡

傳令五百將出欲加箠

呂強汝陽李巡巡官中黃門即注爾雅者

張讓發太原河東狄道諸郡材木狄道非郡名當

云隴西

論 三世以嬖色取禍注夏以末嬉殷以妲已周以褒姒 三世當為三代章懷注范史凡世字皆改為代以避唐諱宋以後校書者復改正之此三代字蔚宗本文校書者不知而妄改

儒林傳上

乃更修鬻字注說文曰鬻學也 按說文無此文徐鉉以鬻為俗書

歐陽欵 樂安千乘人也 按和帝永元七年始置樂

安國欵卒於光武之世當稱千乘人

前書歐陽和年伯千乘人

長卒章帝朝而傳稱樂安臨濟人皆史臣追書

孔僖 世祖復封均子志為褒成侯志卒子損嗣永元

四年徙封褒亭侯 按孔龢碑載元嘉三年司徒雄

等奏稱褒成侯四時來祠又韓勅碑陰有褒成侯孔

建壽名碑立于永壽二年洪适疑建壽即損之字又

據安帝紀延光三年賜褒成侯帛及二碑俱稱褒成

以證損未嘗徙封其說當矣攷郡國志無褒成侯國

則褒成之封當是亭侯非縣侯史例當書褒成亭侯

或偶脫成字蔚宗因誤以為徙封褒亭爾魏文帝黃

初二年詔亦稱褒成之後絕而莫繼

儒林傳下

薛漢 會稽澹臺敬伯 今吳縣南有澹臺湖蓋以姓得名建武永平之際吳地尚屬會稽也

何休 蕃敗休坐廢錮乃作春秋公羊解詁覃思不闕門十有七年 按陳蕃事敗杜建寧元年九月是歲歲杜戊申而休卒于光和五年壬戌首尾僅十有五載而晚年又應公府之辟歷官議郎諫議大夫則著書杜門大約不過十年耳光和二年以上祿長和海洋言令黨人禁錮小功以下皆除之傳所謂黨禁解者當在此時至中平元年大赦天下黨人則休已先卒

矣

許慎 少博學經籍 按慎子冲上說文表云慎本從

賈逵受古學

為郡功曹舉孝廉再遷除浚長卒于家 冲表稱臣父故太尉南閣祭酒傳失書冲上表杜安帝建光元年九月其時慎已病當卒于安帝之末也

文苑傳上

杜篤 靡偃西戎 偃與闕同靡偃猶壅遏也

蓋夫燔柴剗蛇注剗之充反 剗古斷字

劉珍 又撰釋名三十篇以辨萬物之稱號云 按隋

書經籍志釋名八卷劉熙撰直齋書錄解題亦云釋名八卷漢徵士北海劉熙成國撰凡二十七篇

文苑傳下

趙壹 榮納由于閃榆注閃榆傾佞之貌榆音輸 按

閃榆猶言陝輸曹大家女誠云動靜輕脫視聽陝輸注陝輸不定貌也集韻作閃榆榆从手旁

劉梁 庚桑瑣隸風移礪礪 礪礪即畏壘也史記云

畏累虛亢桑子之屬皆空語崔謨注莊子本作累俗作累又加石旁耳說文作銀鐻

高彪 後遷內黃令 內黃當為外黃之譌申屠蟠陳

留外黃人此云到官上書薦縣人申屠蟠等可證其

非內黃也洪氏隸釋有外黃令高彪碑

禰衡 激楚揚阿至妙之容臺牧者之所貪注臺牧未

詳其義融集作堂牧 文選載此表作掌技

獨行傳

劉茂 時小吏所輔注所姓也風俗通曰宋大夫華所

事之後 按左氏傳有華御事未見名所事者春秋

隱九年俠卒穀梁云所俠也

彭脩 會稽毗陵人 按毗陵順帝時析屬吳郡脩與

鍾離意同時其時未置吳郡張武吳郡由拳人高彪

吳郡無錫人則皆在分郡以後矣陸績稱會稽吳人其孫康稱吳郡吳人續仕明帝之世康杜靈帝時也陳重少與同郡雷義爲友按袁敞傳言尙書郎朱濟丁盛立行不脩張俊欲舉奏之二人恐因陳重雷義往請俊俊不聽因共私賂侍史使求俊短得其私書封上之雷陳雖以善交稱然與儉人爲朋私相請託難免比匪之傷矣

方術傳上

是以通儒碩生忿其姦妄不經奏議慷慨以爲宜見藏
擯注謂桓譚賈逵張衡之流也按賈逵三國會圖識

具見本傳此序亦云逵以附同稱顯注乃以逵與桓譚張衡竝稱誤矣

許楊汝南舊有鴻卻陂漢書作鴻隙隙與卻同
高獲遂遠遁江南卒於石城注石城杜今蘇州西南
按石城縣各屬丹陽郡此注恐誤

方術傳下

董扶諸葛亮問廣漢秦密蜀志密作宓宓字子勅
當取謹宓之宓世俗借用堂密字

華佗漆葉扇一斗斗當依魏志作升漢隸斗作升
與升字相似故易混耳

費長房 而逢長房爲謁府君 漢人稱太守爲府君
然敘事之文當從其實此傳多采鄙俗小說未及釐
正若東海君葛陂君之稱豈可穢正史乎
章帝時有壽光侯者注壽姓也 按壽光國名光武封
夏始子鯉爲壽光侯又北海王普初封壽光侯是也
此侯失其姓名故舉其爵下云侯爲劾之侯復劾之
可證注以壽爲姓之誤

甘始元放延年皆爲操所錄問其術而行之 元放左
慈之字慈事已見前此元放二字衍也曹操不稱姓
亦脫文自左慈以後中隔計子勲上成公解奴辜張

貂等數人皆不與操同時不當遙承其文

吾本師姓韓字雅 裴松之注魏志引辯道論云姓韓
字世雄

列女傳

曹世叔妻 令皇后諸貴人師事焉號曰大家 此家
字相傳讀如姑攷古書家室之家亦讀爲姑詩宜爾
室家樂爾妻帑以家協帑左氏傳姪其從姑六年其
逋逃歸其國而棄其家以家協姑逋今人皆轉爲古
牙切獨此大家字尙存古音

龐淸母 福祿長尹嘉義之 福祿當作祿福詳見郡

國志

孝女叔先雄者犍爲人也 水經注符縣長趙祉遣吏

光尼和以永建元年十一月詣巴郡沒歿子賢求喪

不得女絡年二十五歲有二子五歲以還至二年二

月十五日尙不得喪絡乃乘小船至父沒處哀哭自

沈見夢告賢曰至二十一日與父俱出至日父子果

浮出江上郡縣上言爲之立碑與此傳所載卽一事

而姓名互異華陽國志亦云符有先絡熒道有張帛

絡與帛協韻則其名當爲絡不爲雄矣

水經注亦引符有光洛二語洛卽絡之譌先與光字形相涉常璩書與范史皆作先而

史又多叔字廣韻亦以叔先爲複姓則此女本姓叔

先或單稱先猶諸葛之稱葛也雄當是雒字之譌雒

與絡同音國語王孫雒今本亦譌爲雄此其證也王

伯厚引水經注以爲光終終亦譌字

西南夷傳

桓帝時郡人尹珍自以生於荒裔不知禮義乃從汝南

許慎應奉受經書圖緯 按許慎與應奉不同時奉

仕桓帝朝而慎之卒蓋杜安帝之世不待到桓帝也

華陽國志作明章之世則與許慎時代相及矣但珍

旣受業許慎豈能更與應奉同朝傳聞異詞要皆不

足信

西羌傳

陸渾戎自瓜州遷于伊川允姓戎遷于渭汭東及輶轅
 在河南山北者號曰陰戎 按左氏傳僖二十二年
 秦晉遷陸渾之戎于伊川杜注允姓之戎居陸渾杜
 秦晉西北二國誘而徙之伊川遂從戎號至今為陸
 渾縣也又昭九年晉梁丙張趯率陰戎伐潁王使詹
 桓伯辭于晉曰允姓之姦居于瓜州伯父惠公歸自
 秦而誘以來使偪我諸姬入我郊甸杜注陰戎陸渾
 之戎也然則陸渾之戎系出允姓與允姓戎非二種

此傳似岐而二之

和帝永元四年訓病卒 按上文已有永元元年此又
 舉永元詞之贅也以傳例推之和帝二字應移杜前
 文永元之上

領護羌校尉衛瑤 順帝紀作衛琚

南匈奴傳

單于姓虛連題注前書曰單于姓攣鞬氏 按連題即
 攣鞬之轉

北匈奴入雲中遂至漁陽太守廉范擊却之 按范為
 雲中太守太守上當有雲中二字

屈蘭儲卑胡都須等 章帝紀屈作屋

北單于復為右校尉耿夔所破 右當作左

新降一部大人阿族等遂反畔 安帝紀南匈奴左日

逐王叛

南匈奴左部句龍王吾斯車紐等背叛 順帝紀作句

龍大人王與大人皆匈奴尊稱譯語小異

右部醯落與休著各胡白馬銅等十餘萬人反 靈帝

紀作休屠各按休屠之屠音儲而著亦音直慮切譯

語有輕重其實一也烏桓鮮卑傳俱云休著屠各此

必讀范史者音著為屠後遂攙入正文耳 晉書匈奴傳北狄以

部落為類其入居塞者有屠各鮮支寇頭
烏譚等十九種屠各最豪貴故得為單于

烏桓傳

因徙烏桓於上谷漁陽右北平遼東五郡塞外 按文

止有四郡蓋脫遼西二字

因
急
急
急

續漢書一

廿二史攷異十三

錢大昕學

律歷志上

黃鍾一日 按黃鍾太簇姑洗蕤賓林鍾南呂應鍾七

律皆主一日所謂五音之正各終一日者也其餘五

十三律或主五日或六日或七日或八日合三百六

十六日所謂以六十律分朞之日也

南授十三萬九千六百七十 當作七十四脫四字

中呂十三萬一千七十二 此數以三除之即有奇零

不盡時息以下亦然由中呂下生不能及黃鍾之半

律故又轉而上生此不盛變南中離宮內負制時物
應依行重上生者凡七變而後終六十律之數

南事十二萬四千一百五十四 按六十律終于南事
南事之律固不能下生矣轉而上生其數杜大呂分
否之間未始不可引而伸之也

下生南事窮無商徵不爲宮 按十二律之變窮於南
事安得云下生乎疑下爲不字之譌

離宮十二萬一千八百一十九 當云一千八十九

解形十一萬九千一百三 當云十萬

分積十萬六千一百八十八 當云八十七

分烏九萬三千一百一十七 當作一十六

故待詔嚴崇 宋書歷志作嚴嵩古文崇嵩通漢武帝

改嵩高山爲崇高

律歷志中

自太初元年始用三統歷 按何承天謂劉歆之生不
逮太初訾譏司馬氏以爲不知而妄言其實非也太
初造術以前四千六百一十七歲爲上元一元之中
卽有三統三統與太初異名而同實劉子駿用太初
法推行之以說尙書春秋又追日月五星同起牽牛
之始以爲太極上元初非別立一術則三統之名不

自歆始也承天號稱知歷何未悟及此

史官用太初鄧平術有餘分一杜三百年之域行度轉
差 按四分術歲三百六十五日四分日之一太初
術以千五百三十九之三百八十五爲斗分較之四
分又多千五百三十九分之一所謂餘分一也積至
三百年當贏七十五分則冬至益後天故云行度轉
差

太尉屬梁鮪司徒嚴勗 此嚴勗亦司徒之掾屬非司
徒也史脫文

以太初歷考太初元年盡更始二年二十四事十得晦

以上下文校之十得晦句上下當有脫文

其值東井輿鬼出赤道北五度 當云二十五度脫二
十兩字

中興以來圖讖漏泄而考靈曜命歷序皆有甲寅元
按淮南天文訓以太陰紀歲元始甲寅而太初改歷
亦云復得闕逢攝提格之歲史記歷術甲子篇云太
初元年歲名焉逢攝提格則太初本用甲寅元矣但
漢初言甲寅元者乃指太陰非謂太歲元帝時翼奉
上封事始誤合太陰太歲爲一緯候出於哀平間術
士習聞甲寅元而不知太陰太歲之分又不知超辰

之法而甲寅元遂移於太歲矣尙書攷靈曜春秋命
歷序今已不傳惟易乾鑿度尙存亦用甲寅元也
百四十四歲而太歲超一表 表當作辰

漢祖受命因秦之紀十月爲年首閏常杜歲後不稽先
代違于帝典 古法子丑寅月迭爲三統無以建亥
爲歲首者堯典云閏月正四時成歲是四時皆可置
閏而秦法置閏常杜歲終此二事皆違經而背古也
五是以備 洪範五者來備此云五是蓋漢儒傳本異
也閩本汲古閣本作五者則後人据今本尙書易之李雲
傳五氏來備氏古是字荀爽傳五躔咸備躔亦訓是

兩歷相課六千一百五十六歲而太初多一日 四分
術歲有小餘四分日之一太初術小餘千五百三十
九分日之三百八十五兩法相課則四歲之中小餘
皆滿一日而太初尙贏千五百三十九分之一也積
至六千一百五十六歲而餘分又滿一日

上納其言遂改歷事 詳文義是安帝納尙書令忠言
仍用四分不復議改蔡邕云延光元年中謁者直誦
亦非四分庚申上言當用命歷序甲寅元公卿百僚
參議正處竟不施行謂此事也沈約志亦云直等遂
寢此文遂下當有罷字或是寢字

乾鑿度八十分之四十三為日法 當云八十一分
 從太初至永平十一年百七十歲 當云百七十一歲
 至永和二年小終之數寢過 永和當作元和
 四分歷仲紀之元起于孝文皇帝後元三年歲在庚辰
 上四十五歲歲杜乙未則漢興元年也又上二百七
 十五歲歲杜庚申則孔子獲麟 今世所推甲子紀
 元蓋出於此古術家用百四十四年超辰之法漢志
 云高帝伐秦太歲杜午則文帝後三年太歲當杜卯
 也

太初元年歲杜丁丑上極其元當杜庚戌而云丙子言
 百四十四歲超一辰凡九百九十三超歲有空行八
 十二周有奇乃得丙子 按三統術上元至太初元
 年十四萬三千一百二十七算以百四十四除之得
 九百九十三餘百三十五 此為上元以來太歲超辰之數
 以此數并入積算起丙子算至太初元年復得丙子
 矣東漢以後術家不知太歲當超辰但依六十之數
 上溯太初以為歲杜丁丑又以為上元當杜庚戌非
 太初本法也鄭康成注周官馮相氏十有二歲云歲謂
 太歲歲星與日同次之月斗所建之辰樂說說歲星
 與日常應太歲月建以見然則今歷太歲非此也東

京諸儒知太歲有跳辰法者獨康成一人而已歲星與太歲相應太歲超九百九十三辰則歲星亦超九百九十三次十二次而一周故云八十二周有奇案百七十歲二部一章當云百七十一歲

及命歷序積獲麟至漢起庚子部之二十三歲竟已酉戊子及丁卯部六十九歲合爲二百七十五歲按元命包乾鑿度皆云開闢至獲麟二百七十六萬歲以元法收之得六百有五餘歲一千二百又以部法收之得積部十五其餘六十則獲麟之歲入乙酉部六十一年依此推至漢文後二年適足五部之數故

次年得爲元首復起甲子部也命歷序以甲寅爲元較元命包積年少一百一十四算以元法部法收之正入庚午部之二十三年此云庚子當爲庚午之譌也然依此推至漢文庚辰歲不當甲子部首不可立元矣

漢元年歲杜乙未上至獲麟則歲杜庚申推此以上上極開闢則不杜庚申讖雖無文其數見存按自獲麟至開闢二百七十六萬歲以六十除之恰盡獲麟之歲旣是庚申則開闢之始亦必庚申矣當云元杜庚申不字乃元字之譌

而光晃以爲開闢至獲麟二百七十五萬九千八百八十六歲獲麟至漢百六十二歲按光晃說開闢至獲麟歲數與春秋命歷序同而獲麟至漢初則較命歷序少百一十四歲依此推至高帝元年則當杜于寅而非乙未矣故蔡邕譏其謬

恂術以五千六百四十日有九百六十一食爲法日當作月古法百三十五月有二十三食卽宗誠術也今馮恂術五千六百四十月有九百六十一食較古法稍強劉洪乾象術萬一千四十六月有千八百八十二食又強于恂術

律歷志下

斗建移辰謂之日月之行日上脫一月字

璇衡追日以察斂察下脫發字

中法四十二四當作三置日餘百六十八以三十二

除之得五日三十二分之八卽四分前志所謂策餘

也每月中氣三十日又三十二分之十四故以三十

二爲中法

其月食百三十五食字衍

得五百二十三之二十而一食百當作月春秋正義

云三統之術以五月二十三分月之二十而一食也

四分術亦同

五百一十三分之五十也 五十下脫五字

分終其法因以與蔀相約得四卽二十七五之會二千

五十二 按七十六歲為蔀以二十七乘之得二千

五十二五百一十三為會歲數以四乘之亦得二千

五十二然則二千五十二歲而蔀分與會分適相直

故名之曰蔀會也五之兩字難解閩本汲古閣本作

互亦非是當云名之曰蔀會傳寫脫譌耳

蔀會三千五十三 當云二千五十二以蔀會除元會

得數二十故云二十而與元會

月數百二十五 二當作三

食法二十二 當云二十三

其餘以蔀會除之所得以七十二乘之滿六十除去之

置蔀會數以六十除之尙餘十二故以七十二乘

與以十 二乘同 滿六十去之乃得與紀首歲名相直也

所得數從天紀算之起外所以入紀 之起以三字皆

衍文或云起當在算上

各以不入紀歲名命之 不當作所

天紀歲名 地紀歲名 人紀歲名 蔀首 按此四

行今本皆失其次試為別而言之自庚辰至甲申天

紀歲名也自庚子至甲辰地紀歲名也自庚申至甲子人紀歲名也自甲子至乙酉則節首天正朔旦冬至之日因以為節名也最下一至二十則節首之次第因一紀之中各有二十節故以次列之也校書者不知天紀歲名當與庚辰竝列誤升于上餘皆以次遞升遂至舛誤不可究詰今特為更正如右

天紀歲名 地紀歲名 人紀歲名 節首

甲子	庚辰	庚子	庚申	一
癸卯	丙申	丙辰	丙子	二
壬午	壬子	壬申	壬辰	三

辛酉	戊辰	戊子	戊申	四
庚子	甲申	甲辰	甲子	五
己卯	庚子	庚申	庚辰	六
戊午	丙辰	丙子	丙申	七
丁酉	壬申	壬辰	壬子	八
丙子	戊子	戊申	戊辰	九
乙卯	甲辰	甲子	甲申	十
甲午	庚申	庚辰	庚子	十一
癸酉	丙子	丙申	丙辰	十二
壬子	壬辰	壬子 <small>本作壬午誤</small>	壬申	十三

攷異

續漢書一

九

辛卯	戊申	戊辰	戊子	十四
庚午	甲子	甲申	甲辰	十五
己酉	庚辰	庚子	庚申	十六
戊子	丙申	丙辰	丙子	十七
丁卯	壬子	壬申	壬辰	十八
丙午	戊辰	戊子	戊申	十九
乙酉	甲申	甲辰	甲子	二十

加大餘二十九小餘四百九十 九十下脫九字

一術以大周乘年周天乘減之餘滿蔀日則天正朔日也 此條有脫誤依法推之當以大周乘入蔀年又

以周天乘閏餘相減大周者周天乘章月之數閏餘則不盈章月之數以周天乘之

則分母相同 餘滿蔀月得一為積日滿六十去之其故可相減

餘為大餘以所入蔀名命之算外即天正朔日蓋以大周乘入蔀年以蔀月除之所得即天正冬至日然惟蔀首之歲歲前冬至與朔同日常歲冬至後于經朔由閏餘所積故以閏餘化為日 周天乘下當脫閏餘二分相減而得天正朔日也

字蔀日當作蔀月

以月餘乘之滿中法得一一月餘當作日餘

一術以為五乘冬至小餘以減通法餘滿沒法得一則天正後沒也 為五當作十五以十五乘冬至小餘與通法相減餘滿沒法得一即冬至距後沒之日數

也起冬至算外爲後沒日

置入部積月以日乘之當云置入部積日以部月乘之

積度加斗二十一度加二百三十五分此以部月爲

度法九百四十分之二百三十五即四分之一也

經斗除十分當作除十九分此以部法爲度法七十

六分之十九與九百四十分之二百三十五其比例

同皆四之一也

積度加斗二十一十分十分當云十九分

其冬下旬月在張心署之按乾象景初術俱有此文

攷隋書刑法志陳制晦朔八節六齊月杜張心日竝

不得行刑今術家以二十八宿配日月五星房昴虛

七星屬日心張危畢屬月

謂盡漏分後盡漏盡也此九字當是衍文

置其節氣夜半之數夜半當作夜漏

以月數乘積積下當有食字

求後食加五百二十分百當作月

又以四百九十乘積月九十下當有九字
閩本有九字

不滿法法什之下法字衍

五星數之生也當提行各本皆誤接前行

以章法乘周率爲用法 用當作月

以月之月乘積爲朔大小餘乘爲入月日餘 此處有

又脫譌今以算求之當以部日乘積月如部月而一爲

積日不盡爲小餘積日滿六十去之餘爲大餘也又

以部日乘月餘以月法乘朔小餘併之以四千四百

六十五約之所得如日度法而一爲入月日不盡爲

日餘也

以率去日率餘以乘周天 本或作大譌 如日度法爲度之餘

也 以下脫周字爲度之餘當云爲積度度餘

木 日餘萬四千六百四十七 七當作一

火 入月日十一 一當作二

土 入月日二十三 三當作四

水 月餘二十一萬七千六百六十 六十下脫三字

虛分四百四十九 九當作一

入月日二十七 七當作八

日度法四萬七千六百三十一 一當作二

滿其月法得一從小積爲月餘 小積下脫不盡二字

以部日乘之入紀月 之字衍

以四千四百六十五約之 四千四百六十五者章法

乘章月之數也

所得得滿日度法得一 所得下衍得字

餘一加晨得夕加夕得晨 餘一當作金水

其月餘得一月者又餘二十九 又下疑有脫文當云

加大餘二十九小餘四百九十九

小餘滿部月得一如大餘 如當作從

木晨伏十六日七千二百二十分半 二百當作三百

八十四日進十二度 進當作退

伏復十六日七千二百二十二分半 二百當作三百

二十二分當作二十分 北宋本闕本俱作二十分

行星三十二度與萬三百一十四分 三十二當作三

十三

八十四日行一十二度 當云百八十四日行百一十

二度

一見六百三十六日行百三度 行下脫三字

日行行四十六分度之三十三 下行字衍

四十六日行三十三度而 而下脫疾字

日行一度九十分度之十五 九十下脫一字

一合二百九十二日百八十一分 日下脫二字

行百六度而進 進當作遲

伏五日退四度而後合 後當作復

凡三合一終 三合當作再合

九日行八度留不行二日 二日下脫旋字

一見三十二日行三十度 度上脫二字

以步法伏日度分如星合日度餘 如當作加

以天度乘晝漏夜漏減三百而一 當云滿二百而一

冬至斗二十度百一十分八分 當作二十一度八分

因下有百一十五之文而重出耳此以三十二為度

法分滿法即進為度無有過三十一分者

大寒心半 當云心二半

立春危七度二十一分 七當作十

雨水室八度二十八分 八度當作九度

驚蟄壁八度三分 八當作九

大暑星四度三分 三當作二

霜降氏十四度十三分 三當作二

注每次三十二度三十三分之十四 當云三十度三

十二分之十四

自危十度至壁八度 八當作九 下文自壁八度
至胃一度同

立春驚蟄居之 此以驚蟄為正月中氣雨水為二月

節依古法也四分術以雨水為正月中

從上元太歲杜庚辰以來盡熹平三年歲杜甲寅積九

千四百五十五歲也。四分術本以漢文帝後三年庚辰歲爲元，杜熹平甲寅前三百三十五年又追上兩元計九千一百二十歲，以爲上元距開闢之始二百七十五萬一千二百歲也。四分術以章帝元和二年施行，杜熹平甲寅前九十年此算積年，乃及熹平者，蓋劉洪撰記時附益之。

而顓頊用乙卯。唐一行日度議引洪範傳云：歷紀始於顓頊，上元太始闕逢攝提格之歲，畢陬之月朔日己巳，立春七曜俱杜營室五度，則顓頊亦用甲寅。與此志異。然日度議又云：魯宣公十五年顓頊弟十三

蔀首以丁巳，平旦立春，則顓頊歷元杜春秋前七百八十四年，正是乙卯歲。殷祖辛之元祀也。術家皆上追開闢，此獨始於殷代，故云斷取近距。

殷用甲寅。按前志載殷歷云：成湯用事十三年十一月甲子朔旦冬至，終六蔀首當周公五年正月戊午朔旦冬至，又竟十四蔀至漢元帝初元二年復爲紀首，初元二年歲杜甲戌，則前一紀首乃甲寅歲也。

周用丁巳。李淳風說周歷上元丁巳至魯僖公五年丙寅積二百七十五萬九千七百六十九，算較元命包所說開闢至獲麟之歲少五十七算。

漢興承秦初用乙卯 唐一行日度議云顓頊歷上元
甲寅辰初合朔立春七曜皆杜良維之首蓋重黎受
職於顓頊帝堯復其子孫俾掌天地四時以及虞夏
故本其所由生命曰顓頊其實夏歷也湯作殷歷更
以冬至為上元周人因之距羲和千祀昏明中星率
差半次夏時直月節者皆當十有二中故因循夏令
其後呂不韋得之以為秦法更攷中星斷取近距以
乙卯歲正月己巳合朔立春為上元

追漢三十五年庚辰之歲 三當作四
加六百五元一紀上得庚申 自開闢至漢文帝後三

年積二百七十六萬三百二十算以元法收之得六
百有五其餘一千五百二十恰滿一紀之數
洪能為算述敘三光 此卷首千餘言述推步之原精
微簡要非洪不能作後之步天者宜寶之

禮儀志上

齋日內有汙染解齋 說文引漢律云見舛變不得侍
祠舛婦人汚也

上巳官民皆絜于東流水上 絜古禊字應劭云禊者
絜也言自絜濯也 見南齊書 說文無禊字

禮儀志中

攷異

續漢書一

六

注維建寧四年七月乙未 本紀七月癸丑立貴人宋氏為皇后

今使太尉襲使持節奉璽綬 按靈帝紀太尉聞人襲以三月免官此立后乃杜七月或紀所書月日誤

以朱索連葦菜彌牟朴蠶鍾 彌牟五字未詳以桃印長六寸方三寸五色書文如法以施門戶 桃

印宋書禮志作桃卯注稱桃卯本漢制所以輔卯金則印當為卯之譌

周人木德以桃為夏 夏即榎字下文云設桃榎鬱鬻葦菱是也

太子具樂器 太子當作太子 禮儀志下

巴俞擢歌者六十人為六列 獻帝紀注引此文作嬀

歌音徒了反 祭祀志上

及中宮宿五官神 中宮當作中宮 二十八宿外宮星 外宮當作外官漢書天文志經星

常宿中外官凡百一十八名 甲午禪于梁陰 梁陰即梁父也

祭祀志中

元和二年正月詔曰 章帝紀作二月

祭祀志下

於是雒陽高廟四時加祭孝宣孝元凡五帝 前此雒

陽廟祀高帝文帝武帝今加祭宣元二帝故云五也

注世祖廟樂名宜曰大武之舞 按下文引樞機鈴當

玼機曰有帝漢出德洽作樂名予虞韶禹夏湯濩周

武無異不宜以名舞蓋言樂名大予與韶夏濩相同

不宜更以大名舞也又引詩傳云頌言成也一章成

篇宜列德此言歌詩宜名武德之舞不宜單稱大武

也然則東平王蒼之議正主武德之舞其前云樂名

宜稱大武者或當時公卿有此議故博引圖緯經傳

以駁之耳沈約樂志言蒼總定公卿之議曰宗廟宜

各奏樂不應相襲所以明功德也承文始五行武德

為大武之舞又制舞歌一章薦之光武之廟此是錯

會東觀書意蒼所制歌詩固云武德舞不云大武舞

也近有据沈約志以譏范史之誤者由未尋繹斯文

而意為之說爾

和帝追尊其母梁貴人曰恭懷皇后陵 當云陵曰西

陵史脫去三字

高廟五主世祖廟七主 五主者高文武宣元也七主

者光武明章和安順桓也

陳巖具 王懋竑曰巖當作裝東漢諱莊為巖遂并改

焉予謂裝妝皆俗字古文本作莊故東漢人稱妝具

曰巖具魏志田疇傳戒其門下趣治巖即治裝也

天文志上

建武九年七月金犯軒轅大星 按志載五星凌犯或

稱太白熒惑歲星填星辰星或稱金木水火土前後

俱不盡一

天文志中

永元六年度遼將軍朱徽 和帝紀匈奴傳俱作朱徽

元興元年十月二日和帝崩 按和殤二帝紀俱云十

二月辛未

永初三年彗星起天苑 安帝紀作天苑苑古字通

四年後太尉張敏免官 安帝紀作張禹

永和三年江賊蔡伯流數百人攻廣陵九江燒城郭殺

都長 順帝紀作九江賊此脫九字都長上脫江字

四年中常侍張達違政陽定內署令石光 陽當作楊

內署當作內者百官志有內者令

達等自知事不從各奔走或自刺解貂蟬投草中逃亡

皆得免 按梁商傳云收達等悉伏誅此云皆得免

者妄也

天文志下 此卷注全闕

和平元年十二月甲寅梁太后崩 桓帝紀杜二月此

衍十字

延熹五年京兆虎牙都尉宋謙 桓帝紀作宗謙

八年太僕南鄉侯左勝 桓帝紀宦者傳俱作左稱趙

岐傳中常侍左館兄勝

河南尹鄧萬 萬下脫世字蓋唐人避諱去之爰延傳

亦作鄧萬

虎賁中郎將安鄉侯鄧魯 安鄉當作安陽 據皇 魯當

作會

據桓帝及皇后紀

後六年司徒劉羣為中常侍曹節所譖下獄歿 按熹

平之世司徒無下獄歿者惟光和二年劉郃以謀誅

宦官下獄歿羣當為郃之譌也自熹平二年至光和

二年相距恰六載矣

五行志一

建光元年京都及郡國二十九 續志凡京師皆作京

都避晉諱也百官志閒有作京師者乃後人妄改

皆幘而衣婦人衣繡擁髻 光武紀作繡驅

后父禁為平陽侯 平陽當作陽平 蔡邕傳注引此文亦誤作平陽劉貢

攷異

續漢書一

二

父已
辨之

河內牢川詣闕上書 黨錮傳作牢脩

五行志二

漢陽河陽城中失火 河陽當作阿陽

先是亳后因賤人得幸 按桓帝鄧皇后初冒姓梁氏

帝惡梁氏改姓為薄而李雲傳云立掖庭民女亳氏

為皇后此志亦云亳后蓋古文亳與薄通漢書地理

志山陽郡薄縣臣瓚云湯所都也史記封禪書亳人

謬忌亦稱薄忌

皇后兄何進異父兄朱苗 按靈帝及何后紀皆稱何

苗苗本姓朱惟見于此此稱異父兄而前卷稱同母

弟亦小異

五行志三

延熹八年四月濟北水清 濟北下脫河字

五行志四 此卷注全闕

匈奴單于於除難鞬叛 難字衍

使征西將軍劉尚擊之 此又一劉尚乃南陽宗室襲

封朝陽侯者

建光元年九月己丑郡國三十五地震 安帝紀作十

一月

攷異

續漢書一

三

延光元年九月戊申郡國二十七地震 安帝紀作甲

戌

二年京都郡國三十二地震 安帝紀無十二字

四年十月丁巳京都郡國十六地震 順帝紀作十一

月

永和二年四月庚申京都地震 順帝紀作丙申

光和元年二月辛未地震 靈帝紀作己未

續漢書一

續漢書二

廿二史攷異十四

錢大昕學

郡國志

河南尹注秦三川郡高帝更名世祖都畿陽建武十五

年改曰河南尹 子弟晦之曰此司馬彪本注它郡

國放此

卷有垣讎城或曰古衡雍 垣衡聲相近

苑陵 前志作苑陵杜預注左氏傳作宛陵苑苑宛古

皆通用

成羣 羣當作皋字形相涉而譌河內郡平皋志亦譌

攷異

續漢書二

一

爲畢

河內郡 山陽邑 順帝阿母宋娥封山陽君

獲嘉侯國 馮石所封獲嘉公主子

河東郡 平陽侯國 馮奮所封平陽公主子

聞喜邑 和帝女聞喜公主

垣有王屋山充水出 充卽沈字古人从才字或橫寫

如益顛之類沈作充亦是以立水爲橫水隸省爲六

爾兗州本以沈水得名非兩字也

濩澤侯國 夏始孫劉巡所封明帝時有濩澤侯鄧鯉

有祁城山 晦之曰祁當作析

恒農郡 恒農燭水出注前志出衡山嶺下谷 晦之

曰衡當作衙

有務鄉注亦着破李松處 劉聖公傳作務鄉音莫老

反

左馮翊 衙 漢碑作御

右扶風 隃麋侯國 耿況所封又耿弇封好時侯傳

四世至安順時尙無恙而志無此縣未知其審

右司隸校尉注曹公分關中置漢興郡國游楚爲太守

國當作以游楚事見魏志張旣傳注

郡國志二

文是

續漢書二

七

潁川郡 襄 前志無此縣

舞陽邑 順帝長女舞陽公主

臨潁 和帝女封臨潁公主志似脫邑字桓帝時邊韶為臨潁侯相蓋公主之子襲封為侯也

汝南郡 平輿注有摯亭見說文 摯當作摯說文汝南平輿有摯亭讀若晉

新陽侯國 陰就所封

汝陽 按順帝季女封汝陽公主志所據者順帝時圖籍則汝陽下宜有邑字或其時尙幼未有封邑也

新息國 國上當有侯字馬援所封

潁强侯國 陰興子博所封

安城侯國 鈔期封安成侯即此安城也前志亦作安成期子

丹徙封葛陵光武又封劉賜為安成侯

鮑陽侯國 陰興子慶所封

安陽侯國 吳漢兄子彤所封

富波侯國 東觀記光武封皇考姊子周均為富波侯

朗陵侯國 臧宮所封

弋陽侯國 劉國所封

征羌侯國 本汝南之當鄉光武封來歙於此前志無

思善侯國 前志無

襄信侯國 前志無順帝封中黃門李元

原鹿侯國 前志無光武封陰識于此

定潁侯國 前志無順帝時封郭鎮

固始侯國故寢也光武中興夏各有寢邱 按前志汝

南郡有寢縣應劭云孫叔敖子所邑之寢邱是也世

祖更名固始又淮陽國有固始縣師古云本名寢邱

楚令尹孫叔敖所封地予意汝南淮陽地相毗連光

武封李通或兼食二縣之地而國都在寢遂移固始

之名於彼耳

山桑侯國 王常所封

梁國 穀熟 前志無光武封夏始子歆為穀孰侯

陽故屬陳留 前志作僞應劭謂即鄭伯克段于鄆之

鄆續志用杜預說以潁川之陽陵為春秋之鄆而劉

昭以鄭伯克段事實之洪亮吉云京城廩延皆杜鄭

東北自陳留之僞至共道里亦近應氏說不可易也

薄故屬山陽所都 晦之云所上脫湯字

沛國 竹邑侯國 彭城靖王子阿奴所封

杼秋有澶淵聚注左傳襄二十年盟于澶淵 按春秋

之澶淵杜云杜頓邱縣南劉昭以杼秋之澶淵當之

非也

陳國 扶樂 前志無光武封劉隆為扶樂鄉侯

武平 前志無

魯國 按建武二年封兄子興為魯王二十八年徙封北海此後無封魯王者而志稱國不稱郡蓋自光武以魯國益封東海恭王終東京之世魯常為東海國所屬而魯國之名未改故明帝時鍾離意和帝時汝郁靈帝時陳逸皆稱魯相而曲阜孔廟永興永壽建寧諸石刻皆有魯相之稱初不稱太守也

魯有牛首亭注左傳桓十四年宋伐鄭取牛首 按左傳之牛首杜元凱以為鄭邑劉昭以魯之牛首亭當

之非也

水經注沙水又東南逕牛首亭東左傳宋人與諸侯伐鄭東郊取牛首者也俗謂之車牛

魏郡 陰安邑 章帝女陰安公主

鉅鹿郡 廣宗 前志無平帝元始二年封代孝王元

孫如意為廣宗王當即其地也順帝封宦者王成為

侯國

常山國 都鄉侯國 東京人封都鄉侯者甚多都鄉

者近郭之鄉班杜鄉侯之上非皆常山之都鄉也熊方年表於都鄉侯皆注云常山非是 常山之都鄉西京已為侯國乃

趙頃王子景所封王莽時絕未審東京夏封何人

樂城注杜縣西南六十里 杜上有脫文前志無此縣

中山國 蠡吾侯國 河間孝王子翼所封桓帝父也

安平國 阜城故昌城 按前志昌成縣屬信都郡而

勃海郡却有阜城縣

經 前志無安平孝王得子理封經侯

南溪國故屬涿 國當作澤按前志涿郡中山皆有溪

澤縣而涿郡亦南字續志有南溪澤無溪澤

趙國 中邱 當云故屬常山

勃海郡 浮陽侯國 光武封劉植從兄歆順帝封中

黃門孫程程徙封宜城歆又封其養子壽

郡國志三

陳留郡 封邱有桐牢亭或曰古蟲牢 古音蟲如同

詩蘊隆蟲蟲徐仙民音徒冬反韓詩亦作炯炯故蟲

牢轉為桐牢也

已吾 前志無

東郡 樂平侯國 梁竦子棠所封

穀城 前志無

任城國 任城有桃聚注光武破龐萌于桃鄉 漢書

王式東平新桃人即此桃鄉也

泰山郡 羸有鐵山 山字當連下句山莊縣名也

濟北國 盧有平陰城有防門有光里 光里卽春秋
傳廣里也杜預謂防有門於門外作塹橫行廣一里
者非是

成 前志泰山郡有式縣無成縣

山陽郡 方輿有泥母亭或曰古甯母 泥甯聲相近

金鄉 前志無

防東 前志無

濟陰郡 乘氏侯國 梁竦子雍所封

單父侯國 初封劉茂後封梁竦子翟

東海郡 按光武封子彊爲東海王侍國最久中間無

改國爲郡之事此郡字當爲國之譌

合城 前志有合鄉無合城晉書地理志東海亦祇有

合鄉縣此城字必鄉之譌

琅邪國 西海 前志無西海蓋海曲之譌劉盆子傳

琅邪海曲有呂母注海曲縣名故城杜密州莒縣東

卽邱侯國故屬東海 按永平中吳良左轉爲卽邱長

是明帝時猶未爲侯國也

緡侯國 劉敞所封敞東海恭王之後故志云故屬東

海

彭城國高帝置爲楚章帝改 按袁安傳永平十三年

改是

楚王英謀爲逆事下郡覆考明年三府舉安能治劇
拜楚郡太守然則國除之後本爲楚郡至肅宗遺詔
徙封六安王恭爲彭城王乃更爲彭城國也

下邳國 僮侯國 沛獻王子嘉所封

潘旌 前志作播旌

東城 當云故屬九江

曲陽侯國 淄川王子鳳所封

右徐州刺史部注魏氏春秋曰初平三年分琅邪東海

爲城陽新城當作利城昌慮郡 按魏志太祖紀建安三

年分琅邪東海北海爲城陽利城昌慮郡以臧霸傳

攷之蓋禽呂布後所置魏氏春秋以爲初平三年分
者誤

郡國志四

濟南國 管有賴亭注左傳哀六年公如賴 按左傳

云使胡姬以安孺子如賴此云公誤也

鄒平 按溫序傳爲鄒平侯相是鄒平嘗爲侯國也

平原郡 鬲侯國 朱祐所封

樂安國高帝西平昌置爲千乘 按文當云高帝置不

應有西平昌三字其爲衍字無疑後讀宦者傳彭愷

爲西平昌侯注云西平昌縣屬平原郡乃悟此三字

當屬上文平原郡而平原郡九城當為十城因此三字錯入樂安注中校書者遂改十為九以合見存之

數耳 北海有平昌縣故稱西以別之晉志平原國亦有西平昌縣

北海國 高密侯國 鄧禹所封

昌安侯國 鄧禹子襲所封

夷安侯國 鄧禹子珍所封

膠東侯國 賈復所封前志有膠東國無膠東縣

卽墨侯國 賈復子宗所封

拒 當作挺宋書州郡志挺令前漢屬膠東後漢屬北海或以琅邪之拒當之非也

東萊 曲成侯國 明帝時有曲成侯劉建韓勅碑有

曲成侯王暲

掖侯國 歐陽欵封夜侯卽掖也傳子復以無子國除

葛盧 前志無

不期侯國 伏湛封不其侯卽此

南陽郡 冠軍邑 順帝第二女冠軍公主

舞陰邑 安帝妹舞陰公主

復陽侯國 順帝封中黃門李建

湖陽邑 光武姊湖陽公主

育陽邑 光武女滄陽公主

涅陽 安帝妹涅陽公主食邑當有邑字

山都侯國 順帝封中黃門楊佗

酈侯國 順帝封長樂太官丞王國

蔡陽侯國 城陽恭王子平所封後徙竟陵

安衆侯國 漢書王子侯表安衆侯丹以長沙定王子

封傳六世崇為王莽所滅建武二年以崇從父弟寵

紹封十三年子松嗣班孟堅修史時見存

筑陽侯國 光武封吳漢子盱後徙封平春

順陽侯國 光武封族兄嘉傳子參削為南鄉侯

成都 前志無

襄鄉 前志無

南鄉 前志無順陽侯劉參有罪削為南鄉侯即此

南郡 中廬侯國 順帝封中黃門孟叔

華容侯國 順帝封中黃門王康

邛侯國 淄川王終子柱所封

宜城侯國 順帝封中黃門孫程

臨沮侯國 順帝封中黃門史汎

枝江侯國 順帝封中黃門李剛

江夏郡 軫侯國 王霸子符所封

竟陵侯國 城陽恭王子平所封

蕲春侯國 陳俊子浮所封

平春侯國 前志無章帝封吳漢子盱

南新市侯國 前志無

零陵郡 湘鄉 前志無

昭陽侯國 前志無

武陵郡注晉代太守趙厥 晉書厥作厥

作唐 前志無

長沙郡 湘南侯國 順帝封中黃門黃龍按順帝卽

位之始宦侍侯者十九人封邑具載范史此志於廣

宗廣平 皆屬 鉅鹿 東阿范縣 皆屬 東郡 祝阿 屬平 原 析 屬南 陽 夷陵

屬南 郡 下雋 屬長 沙 諸縣皆不云侯國恐傳寫遺脫未必

元文之漏或云涿郡范陽縣志稱侯國王道封范縣 侯疑是范陽之譌也

醴陵 前志無

九江郡 合肥侯國堅鐔所封

阜陵 按章和元年置阜陵國食五縣以壽春爲王都 傳國至桓帝初暫絕而復繼與漢相終始志獨不載

何也

廬江郡 臨湖侯國 故樂成王萇所封

龍舒侯國 明帝封楚王英舅子許昌

居巢侯國 劉般所封

六安國 明帝時有六安侯劉盱章帝嘗封弟恭為六

安王以廬江郡為國尋復故

會稽郡 太末注初平三年分立新安縣建安四年孫

氏分立豐安縣二十三年立遂昌縣 按宋書州郡

志豐安漢獻帝興平二年孫氏分諸暨立也遂昌孫

權赤烏二年分太末立曰平昌晉武帝太康元年夏

名是遂昌立縣不杜建安之世其初名亦不稱遂昌

也惟新安之分自太末則沈約志亦杜初平三年而

建安廿三年所分者則為定陽非遂昌也若豐安為

諸暨所分則又與太末無與矣未審孰是

章安故治閩越地光武更名注晉元康記曰元康當本

鄞縣南之迴浦鄉章帝章和元年立未詳 按鄭巨

君傳舊交趾七郡貢獻轉運皆從東治汎海而至所

云東治即會稽之治縣巨君以章帝建初八年為大

司農其時尚稱東治則非光武更名明矣又攷班志

治與回浦本是二縣意者東漢初嘗省回浦入鄞縣

故有回浦鄉之稱

東部侯國 按宋書州郡志侯官前漢無後漢曰東侯

官屬會稽此東部侯國當即東侯官之譌漢時未見

列異

有封東部侯者也又鄭巨君傳注引太康地志云漢武帝名爲東冶後改爲東侯官是章安爲回浦東侯官爲冶各不相涉太康志本自瞭然志以章安爲故冶疑未可信吳志虞翻傳太守王朗亡走浮海翻追隨營護到東部侯官侯官長閉城不受

豫章郡 注豫章縣建安立 按宋書州郡志豫寧漢

獻帝建安中立吳曰要安晉武帝太康元年更名卽謂此縣也据此注似本名豫章晉初改爲豫寧

南昌注豫章記曰江淮惟此縣及吳臨湘三縣是也

按應劭漢官云荆揚江南七郡唯有臨湘南昌吳三令爾見百官志注蓋漢制萬戶以上爲令萬戶以下爲長

而江南七郡唯有三令此外戶口雖繁祇從小縣之例不得置令豫章記所云正與應氏合三縣當是三令之譌

海昏侯國 宣帝封昌邑王賀於此王莽篡位絕建武

初復封

石陽 前志無

郡國志五

漢中郡 襄中注有唐公防祠 防當作房漢人隸書

房或作防因譌爲官旁

巴郡 注譙周巴記曰初平六年趙穎分巴爲二郡

續漢書二

續漢書二

按初平紀元止于四年巴記云六年者誤也趙穎三國志作趙翬

以墊江為治所安漢以下為永寧郡 按華陽國志趙穎建議以墊江以上為巴郡治安漢江州至臨江為永寧郡是安漢墊江同杜巴郡之內而安漢且為郡治穎為安漢人故欲移巴郡之名於安漢也此文似有誤

劉璋分巴以永寧為巴東郡 按華陽國志改永寧為巴郡非巴東也

廣漢郡 德陽 前志無

蜀郡 八陵 前志有蠶陵無八陵晉志亦作蠶陵

犍為郡 南安有魚泣津 晦之云泣當作涪吳漢傳

漢與公孫述將魏黨公孫永戰于魚涪津注云杜南

安縣北臨大江 劉昭注引蜀都賦注作魚符津符涪聲相近也

荷節 前志有符無荷節疑荷乃符之譌而衍一節字也水經江水東過符縣注引符有先絡夔道有張帛是後漢亦名符縣矣或謂東京改名符節晉時復為符者非也

牂牁郡 進乘 前志作進桑

越雋郡 三縫 前志作三絳

益州郡 母掇 說文掇从木此从手誤前志亦作掇

同瀨注地道記曰銅虜山米水所出 前志云談虜山

逃水所出銅談聲相近米即逃也縣蓋以山得名瀨

虜聲亦相近前志同作銅

廣漢屬國都尉 都尉二字衍

隴西郡 鄣 前志無

漢陽郡 顯親 前志無光武封竇融弟友為侯國

武都郡 羌道 當云故屬隴西

安定郡 烏枝 前志作烏氏師古讀氏為支梁統傳

亦作烏氏

酒泉郡 福祿 前志作祿福魏志龐涪傳及皇甫謐

列女傳載龐娥事云祿福趙君安之女又云祿福長

尹嘉曹全碑亦云拜酒泉祿福長則知作福祿者誤

也

表氏 前志作表是是氏古通用也靈帝紀光和三年

表是地震涌水出

沙頭 前志作池頭魏志閻溫傳攻酒泉沙頭乾齊二

縣

延壽 前志無

敦煌郡 拼泉 當作淵泉

張掖居延屬國 居延注獻帝建安末立為西海郡

按晉志西海郡故屬張掖漢獻帝興平二年武威太

守張雅請置獻帝起居注建安十八年復禹貢九州

雍州部已有西海郡是西海立郡不杜建安之末也

太原郡 榆次有鑿壺注引史記曰韓魏殺智伯埋于

鑿壺之下 壺當作臺字形之譌

五原郡 河除 當作河陰

雲中郡 箕陵 前志無

右并州刺史部郡九注古今注曰建武十一年十月西

河上郡屬魏 魏字誤按光武紀建武十一年省朔

方牧并并州此西河上郡必朔方刺史所部至是始

屬并州耳班史馮野王為上郡太守朔方刺史蕭育

奏封事薦之是上郡屬朔方部之證也注文當有脫

漏又因下引魏志而行一魏字耳

涿郡 北新城 當云故屬中山

廣陽郡世祖省并上谷永平八年復 和帝紀永元八

年九月復置廣陽國此永平當為永元之譌

代郡 北平邑 章帝女平邑公主章懷注平邑屬代

郡前志無北字

上谷郡 甯 前志作寧古書寧與甯通廣甯縣前志

攷異

續漢書二

二

亦作廣寧

漁陽郡 倮奚 前志作犀奚

遼東郡 無慮 此下當有有醫無慮山五字

候城 按元菟郡有候城云故屬遼東則此候城為行文矣

樂浪郡 樂都 前志無

遼東屬國 昌遼故天遼 洪亮吉日水經注白狼水

又東北逕昌黎縣故城西地理志云交黎也應劭曰

今昌黎然則昌遼故天遼當作昌黎故交黎也予謂

黎遼聲相近故昌黎亦作昌遼猶烏氏為烏枝犀奚

為倮奚也

無慮有醫無慮山 晦之曰安帝紀元初二年鮮卑圍

無慮縣又攻夫犁營注云無慮屬遼東郡有醫無慮

山因以為名夫犁縣名屬遼東屬國鮮卑傳注亦同

惟夫犁然則章懷所見本遼東屬國有夫黎無無慮

作扶黎也無慮既屬遼東不應重出竊意此無慮當是夫犁

之譌因聲相近而誤耳此有醫無慮山句當移於遼

東無慮之下

南海郡 增城 前志無

交趾郡 麓泠 說文作菴泠

攷異

續漢書二

七

漢書地理志凡郡國百三世祖中興省郡國十明帝置郡一章帝置郡國二和帝置三安帝又命屬國別領比郡者六至于孝順凡郡國百五 今以志攷之世祖省郡國十廣平真定河開城陽泗水淄川高密膠東六安廣陽也明帝置永昌郡章帝置任城國和帝置濟北河開廣陽三國安帝置蜀廣漢犍為張掖居延遼東屬國順帝置吳郡合之得郡國百有五此失載順帝所置之郡又稱章帝置郡國二故總數雖合而實不合也然章帝所置任城國之外尙有阜陵一國則其云置郡國二者本自無誤而志不載阜陵者

或所據版籍正杜永嘉本初之間阜陵絕而未繼之時乎

百官志一

注西曹掾安衆鄭均 此又一鄭均

百官志二

博士祭酒一人六百石本僕射中興轉爲祭酒 本僕射上當有本注曰三字

太子樂令一人六百石 太子當作太子明帝紀永平三年改大樂爲大予樂注引漢官儀云大予樂令一人秩六百石

百官志三

侍中本注曰無員按朱穆傳言漢家舊典置侍中中
 常侍各一人黃門侍郎一人宦者傳永平中始置員
 數中常侍四人小黃門十人自明帝迄乎延平其員
 稍增中常侍至有十人小黃門二十人此志於侍中
 中常侍黃門侍郎小黃門皆云無員亦未深攷耳
 丙署長七人皆四百石黃綬黃綬二字疑衍公卿以
 下綬制已見輿服志不應單出此條

百官志四

中宮僕一人千石本注曰宦者主馭本注曰太僕秩二

千石中興省太減秩二千石下注字衍謂本名太

僕後省太字也減秩二千石當云減秩千石

百官志五

注建安十八年復禹貢九州雍州得恒農京兆左馮翊
 右扶風上郡安定隴西漢陽北地武都武威金城西
 平西郡張掖張掖屬國酒泉敦煌西海漢興永陽東
 安南凡二十二郡按廿二郡之名不見于郡國志
 者凡六西平郡蓋分金城置晉志領西都臨羌西郡
 蓋分張掖置晉志領日勒刪丹仙西海郡獻帝興平
 二年置卽張掖居延屬國也晉志領居延一縣漢興郡蓋曹

公分關中置永陽郡則獻帝初平四年分漢陽置也
惟東安南一郡無可攷疑本作南安而衍東字耳秦
中記中平五年分漢陽置南安郡晉志南安郡領獮
道新興中陶三縣

豫州部郡本有潁川陳國汝南沛國梁國魯國今并得
河南滎陽都尉凡八郡 按東漢始以屬國都尉領
城比于郡守嗣後內地分置都尉亦得稱郡晉泰始
初置滎陽郡蓋因魏之滎陽都尉也魏志李通傳太
祖分汝南二縣以通爲陽安都尉而趙儼傳云袁紹
遣使招誘豫州諸郡惟陽安郡不動而都尉李通急

錄戶調此亦以都尉爲郡之證也裴松之引魏略云

李勝嘗爲滎陽太守

當杜魏主
芳之世

似魏世已有滎陽郡

矣

凡州所監都爲京都置尹一人 按京都置尹一人志

正文也上六字乃注文譌舛不可通予謂監都之都
當作部以上文云某州部郡國若干因解部字義以
足成之當云凡州所監爲部字譌又眞倒其文耳

公主所食湯沐曰國 國當作邑

本注曰太僕比二千石武帝改但曰僕 注字衍此言

王國之僕其初亦稱太僕武帝時始去太字耳

謁者比四百石本注曰掌冠長冠本員十六人後減

此注疑有脫誤據太子洗馬注云員十六人職如謁

者則王國之謁者亦宜有十六人矣漢朝謁者掌賓

贊受事及上章報問則王國之謁者所掌亦宜如之

或云掌冠長別是一官如禮樂長衛士長之類則員

不得若是之多也

輿服志上

屬車四十六乘 當作三十六乘

黃綬武官伍伯句文官辟車 謂黃綬武官導從用伍

伯文官導從用辟車也漢制四百石至二百石皆黃

綬

幹下侍閤 明帝紀注引作鈴下魏志管輅傳所謂老

鈴下也

主縣假給辟車鮮明卒 洪氏隸續載漢碑畫象有鮮

明騎

輿服志下

尚書皋陶篇 伏生今文尚書以益稷合于皋陶謨故

引日月星辰山龍華蟲之文為皋陶篇也

記曰知天者冠述 述讀如聿詩聿脩厥德漢書引作

述修尔雅適自也孫炎云適古述字聿與適同故鵠

冠字亦為述也

簪以瑇瑁為擿 擿即掃字所以摘髮詩所謂象掃也

南山豐大特 獸名見史記秦本紀

續漢書二

三國志一

廿二史攷異十五

錢大昕學

裴松之表上按舊聞傍撫遺逸 按松之注所引書

有讞承後漢書字偉平吳武陵太守司馬彪續漢書字紹統晉祕書監

華嶠漢書字叔駿晉少府張璠漢紀袁宏漢紀字彥伯晉東陽太守隋志

作後漢紀王沈魏書字處道魏祕書監魚豢魏略魏郎中韋曜吳書

字宏嗣胡沖吳歷晉尚書郎張勃吳錄環氏吳紀名濟晉太學博

士陰澹魏紀官左將軍袁暉獻帝春秋一作暉孔衍漢魏

春秋字舒元晉廣陵太守孫盛魏氏春秋孫盛晉陽秋字安國晉祕書

監習鑿齒漢晉春秋字彥威晉榮陽太守王隱晉書字處叔晉著作郎

虞預晉書字叔寧晉散騎常侍干寶晉紀字令升晉散騎常侍一作晉書劉艾

靈帝紀獻帝紀漢侍中樂資山陽公載記晉著作郎獻帝起

居注不詳魏武故事不詳司馬彪九州春秋記漢末事王

粲英雄記隋志稱漢末英雄記曹瞞傳吳人作無姓名郭頒世語頒一作班

晉襄陽令隋志稱魏晉世語虞溥江表傳字允源晉鄱陽內史魚豢典略魏

末傳不詳獻帝傳不詳譙周蜀本紀字允南王隱蜀記

傅暢晉諸公贊字世道晉祕書丞泰始起居注李軌撰陸機晉

惠帝起居注字士衡晉平原內史孫盛魏世譜蜀世譜三朝錄

不詳撰人晉百官名裴云不知誰所撰也皆疑晉百官表與

書上一晉中經簿荀勗撰字公曾晉中書監三輔決錄趙岐撰晉先

賢行狀不詳撰人唐書藝文志有魏名臣奏不詳撰人漢

末名士傳不詳撰人張儼默記吳大鴻臚魏文帝典論蔣濟萬

機論字子通魏太尉傅子晉司隸校尉傅休奕撰袁子晉給事中袁準撰號正論司

馬彪戰略葛洪抱朴子字稚川虞喜志林字仲寧晉徵士殷基

通語吳零陵太守應劭風俗通字仲遠張華博物志字茂先干

寶按神記荀勗文章敘錄摯虞文章志一名文章流別志決

疑要注字仲治晉太常杜氏新書不詳撰人名似顧愷之啟

蒙注徐衆三國評隋志有徐爰撰未知即此否孫盛異同

評或作異同雜語又作異同孫綽評字興公太康三

年地記不詳皇甫謐帝王世紀高士傳逸士傳列女

傳俱謚撰張隱文士傳隱一作騭一作汝南先賢傳

魏周陳畱耆舊傳魏散騎侍郎蘇林撰零陵先賢傳不詳撰人楚國

先賢傳晉張陳壽益部耆舊傳益部耆舊雜記蜀陳

字中會稽典錄虞預撰華陽國志常璩撰王範交廣二州

春秋廣州大中正王隱交廣記荀綽九州記字彥舒

也晉下邳太守有襄陽記不詳撰人異物志後漢議郎陸

氏異林不詳撰列異傳隋志魏文帝撰葛洪神仙傳應璩書

林字休山濤啟事字巨衛恆四體書勢序字巨山

左思蜀都賦字太庾闡揚都賦字仲初及荀氏家

傳袁氏世紀廬江何氏家傳會稽邵氏家傳傅暢裴

氏家記庾氏孫氏阮氏嵇氏孔氏劉氏陳氏王氏郭

氏諸葛氏崔氏之譜鄭元荀彧禰衡邴原吳質劉廙

任嘏王弼何劭作傳孫資嵇康兄喜作傳華佗管輅弟辰作傳趙雲

費禕虞翻諸葛恪荀勖程曉潘岳潘尼孫惠盧諶機

雲之別傳王朗家傳陸氏世頌陸氏祠堂像贊高貴

鄉公陳思王王朗諸葛亮傅咸姚信張超之集凡百

四十餘種其與史家無涉者不杜數內

中書侍郎西鄉侯臣裴松之上宋書南史俱失載

西鄉侯

魏

文具

三國志一

三

武帝紀

遷為濟南相國有十餘縣 續漢志濟南國領十縣或

漢末夏有增置之縣故云十餘縣

建安元年斬辟邵等

謂劉辟黃邵

按建安五年汝南降賊

劉辟等叛應袁紹見下文及蜀先主傳則此時無斬

辟之事紀文有誤

三年分琅邪東海北海為城陽利城昌慮郡 按臧霸

傳太祖禽呂布索得霸見而悅之使霸招吳敦尹禮

孫觀觀兄康等太祖以霸為琅邪相敦利城禮東莞

觀北海康城陽太守是東莞亦此時所置也昌慮郡

建安十一年省入東海利城郡未審何時并省黃初

六年利城郡兵蔡方等以郡反殺太守徐質則魏初

尚有之

六年汝南賊共都等 蜀先主傳作龔都龔與共古字

通

八年東平呂曠呂詳叛尙 袁紹傳詳作翔

九年尙懼故豫州刺史陰夔及陳琳乞降 故上當有

遣字

十一年鑿渠自呼沱入派水注派音孤 派當作派从

瓜得聲今譌為支派字

十二年尙熙與蹋頓遼西單于樓班右北平單于能臣
抵之等將數萬騎逆軍以烏丸鮮卑傳攷之右北
平單于乃烏延非能臣抵之其名能臣氏者則代郡
烏丸非右北平也氏與抵音相近

遼東單于速僕丸 烏丸傳作蘇僕延譯音無定字也
彼傳前稱烏丸大人蘇僕延後稱速附丸亦卽一人
古音附如僕

十六年與韓遂楊秋李暭咸宐等叛 暭當作堪
十七年割河內之蕩陰朝歌林慮東郡之衛國頓邱東
武陽發千鉅鹿之瘦陶曲周南和廣平之任城趙之

襄國邯鄲易陽以益魏郡 按光武并廣平國入鉅

鹿郡此後未見復置疑廣平下衍一之字任城屬兗
州不當以益魏郡蓋亦衍一城字或據劉昭注續漢

志引此文作廣平之廣平任城似當時已有廣平郡

朕獻帝起居注建安十八年冀州部三十二郡不數

廣平晉志亦云廣平郡魏置則劉注廣平之三字明

是衍文不足據以爲證

開本後漢書
無此三字

十九年省安東永陽郡 按獻帝起居注初平四年分

漢陽爲永陽郡安東之名則前志無之惟晉志載靈
帝置南安郡亦漢陽郡地也續百官志注引獻帝起

居注建安十八年復禹貢九州雍州領二十二郡東
安南居其一予初疑爲南安之譌此紀上文有南安
字似所省之安東亦卽南安之譌矣然明帝紀太和
二年天水南安安定三郡吏民叛則南安仍未并省
也何承天以爲南安郡魏分天水立然魏志亦無明
文或者建安已省而復置於魏初乎

二十年分漢中之安陽西城爲西城郡置太守分錫上
庸郡置都尉 按是歲曹公始得漢中分其地立西
城上庸二郡其時尙有房陵郡亦漢中所分而紀不
之及者非曹公所置也攷續漢志房陵縣注引巴漢

志建安十三年別屬新城郡房陵卽新城所治故亦
稱房陵郡矣紀云上庸置都尉而蜀志劉封傳封與
孟達會上庸太守申耽舉眾降則上庸亦置太
守也建安廿四年蜀先主取漢中而西城三郡亦歸
於蜀其明年孟達背蜀降魏文帝并房陵上庸西城
三郡爲新城郡以達爲太守治上庸又以申儀爲魏
興太守屯洵口自是漢中入蜀而新城魏興入魏一
郡之地分屬兩國矣

於是分巴郡以胡爲巴東太守濩爲巴西太守 按巴
東巴西二郡乃劉璋所分其地久屬益部但遙假以

名耳朴胡杜濩尋爲蜀先主所殺曹公不能有其地也

初置名號侯 按黃初元年以漢諸侯王爲崇德侯二年封孔羨爲宗聖侯皆名號侯也

注又置關內外侯十六級 丙字疑衍

二十三年代郡上谷烏丸無臣氏等叛 按任城王彰傳止言代郡烏丸反疑上谷二字衍也無臣氏卽能臣氏之譌

文帝紀

注春秋玉版讖曰代赤眚者魏公子 卽上文所云孔

子玉版也

或以雜文爲蒙 古書蒙與厖通詩秦風蒙伐有苑鄭云蒙厖也畫雜羽之文于伐故曰厖伐又邶風狐裘蒙戎春秋傳作厖茸故蒙有雜文之訓易雜卦傳蒙雜而著

兩日昌字 按說文昌从日从日不从兩日尹敏謂讖書中多近鄙別字如土乙力爲地人十四心爲德及此類皆是

柏城子高以義爲貴 柏城莊子作伯成

昔光和七年歲杜大梁武王始受命爲時將討黃巾是

歲改元爲中平元年建安元年歲復杜大梁 按古
法歲星百四十四年而超一次依三統術漢元年歲
杜鶉首孝武太初元年歲在星紀至太始二年超壽
星入大火則光武建武二十六年當超大火入析木
獻帝興平元年當超析木入星紀依此推算中平元
年歲當在元枹建安元年歲當杜姬訾與蘇林等所
言差二三次其故何在蓋後漢用四分術歲星日行
四千七百廿五分之三百九十八約三百九十三年
而超五次則每七十八九年卽超一次自漢元年歲
杜鶉首至中平之元凡三百九十年當超五次故中

平初得杜大梁也

黃初元年京都有事於太廟 晉史臣避景帝諱稱京
師爲京都或曰京邑

二年授楊彪光祿大夫 按魏紀惟太傅太尉大司馬
大將軍司徒司空驃騎大將軍車騎將軍衛將軍除
免薨皆書楊彪爲光祿大夫朝見位次三公劉放孫
資加左右光祿大夫義同三司故特書之然亦不書
其卒惟資以驃騎將軍亦書薨也蜀志惟丞相司徒
大司馬大將軍得書吳志則丞相大將軍大司馬太
尉司徒司空得書而輔吳將軍張昭以耆德舊臣亦

書卒

三年三月乙丑立帝弟鄢陵公彰等十一人皆為王

今以諸王傳攷之是年以皇弟封王者任城王彰章

陵王據下邳王宇譙王林北海王袞陳畱王峻河間

王幹弋陽王彪廬江王徽凡九人紀云十一人似誤

也鄆城王植以四月戊申封與任城諸王不同日且

是縣王非郡王任城諸王皆由公進封惟植以罪貶侯故不得郡王故不在此

數又攷文帝子以黃初三年封王者凡六人平原王

叡河東王霖京兆王禮淮南王邕清河王貢廣平王

儼本紀惟載叡霖二人亦未免闕漏

明帝紀

太和二年分新城之上庸武靈巫縣為上庸郡錫縣為

錫郡 按黃初元年并西城房陵上庸為新城郡以

孟達為太守至是達誅復分其地為三也武靈當作

武陵本前漢舊縣屬漢中後漢并省疑蜀先主更置

也巫縣疑亦蜀所置晉志謂之北巫以南郡有巫縣

也

三年詔曰禮皇后無嗣擇建支子以繼大宗則當纂正

統而奉公義何得復顧私親哉 按漢成帝立定陶

王為太子太后欲令傅太后丁姬十日至太子家

成帝曰太子承正統當共養陛下不得顧私親及哀
帝卽位追尊定陶其皇師丹議禮子亡爵父之義爲
人後者爲之子故爲所後服斬衰三年而降其父母
替明尊本祖而重正統也魏武帝未立太子崔琰言
五官將仁孝聰明宜承正統齊王芳廢羣臣奏高貴
鄉公文皇帝之孫宜承正統蓋古人言正統者皆主
嫡子承祧及爲後大宗之義喪服傳云大宗者尊之
統也又云正體於上又乃將所傳重也正統二字實
出於此後儒紛紛聚訟皆郢書燕說也

四年六月戊子太皇太后崩 后妃傳作五月

六年改封諸侯王皆以郡爲國 按是年改封郡王者

任城王楷彰子陳王植彭城王據燕王宇沛王林中山

王袞陳畱王峻琅邪王敏范陽王矩子趙王幹楚王彪東

平王徽曲陽王茂北海王蕤東海王霖梁王悌元城王禮

魯陽王濫邯鄲王邕嗣子凡十六人又黃初六年改封諸

王爲縣王此事亦當載於本紀

陳思王植薨 諸王薨例不書諡思字衍

青龍二年二月乙未太白犯熒惑 宋書天文志作已

未按下文有癸酉乙未與癸酉相去三十九日不得

在 一月當從宋志

景初元年分魏興之魏陽錫郡之安富上庸爲上庸郡
省錫郡以錫縣屬魏興郡按魏興郡志不言何年
置以劉封傳證之當杜黃初元年也魏陽縣晉宋二
志皆無之

九月皇后毛氏卒按嘉平三年皇后甄氏書崩此悼
后以不得其死故變文書卒也文帝黃初二年夫人
甄氏非后而亦書卒蓋以子貴錄其母然兩后書葬
而甄夫人不書葬至追諡爲后改葬乃書
分襄陽臨沮宜城旄陽四縣置襄陽南部都尉
陽卽旄陽

二年二月癸丑月犯心距星宋志作己丑誤

分沛國蕭相竹邑符離蘄鉅龍亢山桑浹虹十縣爲汝
陰郡按晉志汝陰郡統八縣與此無一同者疑此
有誤也山桑縣續漢志屬汝南

宋縣陳郡苦縣皆屬譙郡宋縣卽宋公國也後漢屬
汝南晉屬汝陰

以沛杼秋公邱彭城豐國廣戚并五縣爲沛王國豐
本屬沛今繫彭城之下恐誤豐嘗爲王國故有豐國
之稱

帝曰司馬懿臨危制變承祚書稱司馬懿必云宣王

惟此稱名蓋述帝語不得云宣王也然亦後人追改
蜀後主傳魏使司馬懿由西城魏司馬懿張郃救祁
山李嚴傳平說司馬懿等開府辟召吳主傳聞司馬
懿南向又司馬懿前來入舒旬日便退諸葛恪傳加
司馬懿先誅王凌續自隕斃皆後人所追改也魏三
少帝紀書中撫軍司馬炎者二書中壘將軍司馬炎
撫軍大將軍新昌鄉侯炎晉太子炎者各一壽爲晉
臣不當斥武帝名蓋亦後人所改

齊王芳紀

景初三年以遼東東沓縣吏民渡海居齊郡界 續漢

志遼東郡有沓民縣

正始元年以遼東汶北豐縣民流徙渡海 續漢志遼

東郡有汶縣

班志汶

作文無北豐縣

嘉平六年注廷尉定陵侯臣繁 繁當作毓

少府臣褒 褒當作袤此時公卿列名者四十六人以

本志及晉書考之太尉長社侯孚者司馬孚也大將

軍武陽侯師者司馬師也司徒萬歲亭侯柔者高柔

也司空文陽亭侯沖者鄭沖也行征西安東將軍新

城侯昭者司馬昭也衛尉昌邑侯偉者滿偉也太僕

疑者庾疑也廷尉定陵侯毓者鍾毓也大鴻臚芝者

魯芝也大司農祥者王祥也少府表者鄭表也永寧
衛尉禎當是何禎也司隸校尉頽昌侯曾者何曾也
河南尹蘭陵侯肅者王肅也中護軍永安亭侯望者
司馬望也武衛將軍安壽亭侯演當是曹演也中堅
將軍平原侯德者甄德也屯騎校尉關內侯陔當是
武陔步兵校尉臨晉侯建當是郭建軼聲校尉安陽
鄉侯溫當是甄溫侍中曰小同者鄭小同也曰顛者
荀顛也曰鄴者趙鄴也曰博平侯表者華表也侍中
中書監安陽亭侯誕者韋誕也散騎常侍曰瓌者當
是司馬孚之子瓌曰關內侯芝者郭芝也尙書僕射

光祿大夫高樂亭侯毓者盧毓也尙書曰觀者王觀
也曰嘏者傅嘏也曰亮者袁亮也曰贊者崔贊也曰
騫者陳騫也中書令康者孟康也博士峻者庾峻也
晉書任愷傳父吳魏太常此奏有太常晏晏吳字形
相似疑卽其人也光祿大夫關內侯孫邕見論語集
解序荀彧孫冀與司馬景王文王親善官至中領軍
此奏有中壘將軍昌武亭侯廙疑卽冀也永寧太僕
閔大長秋模城門校尉憲越騎校尉睢陽侯初長水
校尉關內侯超散騎常侍儀御史中丞鈐博士範八
人未詳其族姓

列傳

太后遭合陽君喪 太后母杜氏也后妃傳作邵陽

高貴鄉公紀

正元二年閏月壬子司馬景王薨于許昌 晉書作辛

亥

甘露元年注帝慕夏少康因問顓等 按少康之論意

常杜司馬氏也聰明太露終為權臣所忌失艱貞自

晦之義能處此者其後周武帝乎

王肅云堯順考古道而行之 按王肅卒于是年而其

說已為博士所習進講人主之前蓋肅兼通諸經強

辯求勝又以三公之子早登顯要易為人所信從也

博士馬昭 按毛詩正義往往載馬昭說即其人也昭

說經主鄭氏與王肅多異

注惟正始三年九月辛未朔二十五日乙未直成子生

按高貴鄉公以甘露五年遇弒歲杜庚辰年纔二

十計其生年當杜正始二年辛酉此云三年者傳寫

之譌也攷通鑑目錄正始二年九月正是辛未朔是

歲閏六月立冬杜九月望後月建於亥故未直成日

三年注東里袞後為于禁司馬見魏略游說傳 按魚

豢魏略今已不存其諸傳標目多與它史異如董遇

賈洪邯鄲淳薛夏隗禧蘇林樂詳七人為儒宗傳常

文是

三國志一

十四

林吉茂沐竝時苗四人爲清介傳脂習王脩龐淸文
聘成公英郭憲單固七人爲純固傳孫賓碩祝公道
楊阿若鮑出四人爲勇俠傳王思諸人爲苛吏傳竝
表氏田疇管寧徐庶胡昭諸人爲知足傳見梁書及此
游說傳是也王粲繇欽阮瑀陳琳路粹諸人合傳焦
先扈累寒貧諸人合傳當亦有目今不可攷矣若秦
朗孔桂之爲佞倖傳則沿遷固之舊目也
四年分新城郡復置上庸郡 按景初元年復置上庸
郡自後未見并省之文

隋書王奐紀

景元元年進大將軍司馬文王位爲相國封晉王增封
二郡并前滿十 按甘露三年以并州之太原上黨
西河樂平新興雁門司州之河東平陽八郡爲晉公
國此又增司州之恒農雍州之馮翊二郡
咸熙元年相國參軍事徐紹 晉書作徐劭
后妃傳
文德郭皇后安平廣宗人也 按續漢志廣宗屬鉅鹿
郡不屬安平晉志始屬安平蓋沿魏之舊
袁紹傳

韓馥長史耿武別駕閔純治中李歷諫馥 後漢書紹

傳亦載此事同時進諫者有騎都尉沮授無李歷

公孫瓚傳

朝議以宗正東海劉伯安既有德義 按紀事之文當

稱名承祚志多有稱字者如此傳之劉伯安 虞管寧

傳之陳仲弓 是許靖潘濬尹默傳之宋仲子 忠張裔

傳之許文休 靖彭藹傳之秦子勅 必尹默傳之司馬

德操 徽秦宓傳之任定祖 安譙允南 周顧雍傳之蔡

伯喈 邕士燮傳之劉子奇 陶皆是若孫炎之稱叔然

則以避晉武帝諱故也范蔚宗史亦好稱人字如郭

林宗賈偉節黃子艾和陽士董子儀嚴子陵之類甚

多

公孫度傳

分遼東郡為遼西中遼郡置太守 晉書地理志帶方

郡公孫度置本傳却不載而於東夷傳見之

太和二年淵脅奪恭位明帝即位拜淵揚烈將軍遼東

太守 按明帝以黃初七年即位其明年改元太和

傳以明帝即位承太和二年之下誤也位字當是衍

文

曹仁傳

從攻費華即墨開陽謙 陶謙遣別將救諸縣 按即墨屬

青州之北海郡陶謙為徐州牧未得有其地疑是即

邱之譌

夏侯太初傳

緬緬紛紛 卽書泯泯芬芬也泯緬聲相近漢書敘傳

作泯泯紛紛

清河王經注世語曰經字彥偉 管輅傳注字彥緯當

从采旁

荀彧傳

祖父淑字季和朗陵令 當從司馬彪書張璠紀作朗

陵侯相

永漢元年舉孝廉 後漢書作中平六年攷獻帝以中

平六年九月卽位改元永漢兩號實杜一年

國淵傳

樂安蓋人也 按蓋縣屬泰山不屬樂安蓋當為益字

之譌

田疇傳

舊北平郡治杜平岡道出盧龍達于柳城 前漢志右

北平郡有平剛縣卽平岡也

疇自以始為居難 居當作君

王脩傳

行司金中郎將 按陳琳爲表紹檄稱操特置發邱中
郎將摸金校尉卽謂此也韓暨傳就加司金都尉

邴原傳

注國之將隕釐不恤緯 釐古嫠字說文無嫠

司馬芝傳

以芝爲管長 管當作菅濟南有菅縣故下文有馳檄

濟南之語

王朗傳

東海郡人也 郡當作郟

蔣濟傳

楚國平阿人也 按平阿縣前漢屬沛後漢屬九江晉

屬淮南魏以九江郡爲楚王國故平阿屬楚

司馬朗傳

以朗爲伊顏之徒雖非聖人使得數世相承太平可致

伊顏以下乃朗駁鍾繇王粲之論當云朗以爲今

本誤顛倒兩字

鄭渾傳

又賊靳富等脅將夏陽長邵陵令并其吏兵入磴山

按馮翊無邵陵縣若汝南之召陵則與馮翊遠不相

涉疑卽邵陽之譌

樂進傳

陽平衛國人也 按衛國漢屬東郡建安十七年割衛國益魏郡尋分魏郡為東西部衛當在東部管內黃初二年以魏之東部為陽平郡故衛國屬陽平也晉志衛屬頓邱頓邱即故東郡所分魏晉之際郡縣改隸無常如此

李典傳

遷離狐太守 按離狐縣前漢屬東郡後漢屬濟陰郡史無置郡之文蓋建安初暫置而即罷耳

李通傳

分汝南二縣以通為陽安都尉 按魏略稱通領陽安太守蓋以都尉行太守事也趙儼傳袁紹遣使招誘諸郡惟陽安郡不動蓋當時都尉別領縣者亦稱郡矣

朗陵長趙儼

按漢制大縣置令小縣置長此與趙儼傳稱朗陵長而田豫傳稱除朗陵令當有一誤

閻溫傳

天水西城人也 按天水無西城縣蓋即西縣任城王彰傳

注帝受禪封為中牟王

據本傳彰子楷嘗封中牟王

非彰也
沛王林傳

沛王林傳

沛穆王林建安十六年封饒陽侯 按武帝紀注引魏

書封子豹為饒陽侯又魏略云杜夫人生沛王豹

見 選而此傳亦稱林為杜夫人生是林一名豹猶趙王

幹一名良也

趙王幹傳

注良年五歲而太祖疾困 按魚豢書稱良五歲失父

當生于建安二十一年丙申矣朕二十年已封亭侯

則五歲之說未得其實裴松之言楚王彪大幹二十

歲據彪以嘉平三年辛未賜死年五十七推其生年

當杜興平二年乙亥幹小於彪廿歲當以建安二十

年乙未生也

楚王彪傳

國除為淮南郡 按漢之楚國治彭城魏之楚國蓋治

壽春即漢九江郡也黃初二年封子邕為淮南公以

九江郡為國三年進爵為王明年邕徙封陳當即為

淮南郡矣太和六年彪封楚王又改郡為楚國彪王

二十年以罪廢復為郡也

元年為有司所奏 當是青龍元年史脫青龍二字

和洽傳

子禽嗣注禽音離禽當為离字之譌

杜襲傳

時將軍許攸擁部曲不附太祖而有慢言注此當別是

一人非南陽許攸也

裴潛傳

注建安初關中始開詔分馮翊西數縣為左內史郡治

高陵以東數縣為本郡治臨晉按劉昭注續漢志

不載此事

高柔傳

昔仲尼亮司馬牛之憂亮即諒字據論語司馬牛憂

無兄弟而子夏解之此云仲尼未審所出

孫禮傳

歷山陽平原平昌琅邪太守按續漢志無平昌郡宋

志魏文帝分城陽立平昌郡而晉志載魏文增置郡

七不及平昌者以置郡未久旋復并省也

高堂隆傳

今若有人來告權備竝修德政按隆上疏杜明帝景

初改元以後蜀先主殂讖久矣云備誤也通鑑備作禪

周禮天府掌九伐之則以給九式之用按周禮天官

有大府無天府九賦之財給九式鄭氏注大府文也
伐當爲賦則當爲財天府亦大府之譌

田豫傳

公孫瓚使豫守東州令 東州當作東州縣名屬河間
遷弋陽太守 據此傳弋陽置郡當杜建安之世晉志
謂魏文帝所置似未然

郭淮傳

討蜀護軍夏侯霸督諸軍屯爲翹 爲翹當作烏翅胡
三省云鳥翅要地也魏屯兵守之嘉平元年降蜀將
句安於翅上卽此地也陳泰傳亦作爲翹

徐邈傳

文帝踐阼歷譙相平陽安平太守 按晉志平陽郡魏
少帝置據此傳則文帝時已有此郡矣或云平陽當
爲陽平

舉善而教仲尼所美 按魏晉人引論語多於教字斷

句如倉慈傳注舉善而教恕以待人

魏略令顧邵傳

舉善以教風化大行陸績傳注臣聞唐虞之政舉善
而教晉書衛瓘傳聖王崇賢舉善而教皆是也劉瓛
傳舉善而教不能則勸雖引成文亦似以四字爲句
攷應劭風俗通載汝南太守歐陽歙下教云蓋舉善

以教則不能者勸則漢時經師句讀已然矣

胡質傳

楚國壽春人也壽春縣兩漢屬九江郡魏以九江為

楚王國故屬楚也吳志蔣欽稱九江壽春人則據漢

郡縣言之

王昶傳

今屯苑去襄陽三百餘里苑當作宛

子渾嗣按承祚之志范頽稱其辭多勸戒然如何夔

裴潛鄭渾杜畿陳矯衛覲賈逵王昶諸傳頗多溢美

之詞蓋由諸人子孫杜晉顯達故增加其美而李豐

張緝輩忠於曹氏乃不得立傳曹爽何晏鄧颺之惡

亦黨於司馬者飾成之初非實錄其亦異於良史之

直筆矣

母邱儉傳

大戰梁口注梁音渴梁字不當有渴音疑誤

諸葛誕傳

黃初中利城郡反殺太守徐箕文帝紀作徐質

管輅傳

輅至列人典農王宏直許此宏直二字名而下文單

稱直蜀先主傳先書同宗劉德然父元起而後書起

孫策傳先書吳人嚴白虎而後書虎皆非史例疑傳
寫脫去

其曰乙卯則長子之候也 於卦位卯屬東方震震爲

長男

申未爲虎 按虞仲翔說坤爲虎坤位西南杜未申之

間也於天文參爲白虎位亦杜申

內方外員五色成文含寶守信出則有章 文與章非

韻疑成文二字當爲文成也

夫餘傳

注昔北方有橐離之國 後漢書作索離國章懷云索

或作橐橐蓋橐之譌

南至施掩水 後漢書作掩澆水

高句麗傳

其官有相加對盧沛者古雛加主簿優台丞使者阜衣

先人 古雛加後漢書作古雛大加謂掌賓客之官

也優台下無丞字阜作帛

有涓奴部 後漢書作涓奴下同

州郡縣歸咎於句麗侯駒 駒當作騶下同

遼東太守蔡風 後漢書作蔡諷

官灰子伯固立 後漢書官灰子遂成立遂成灰子伯

固立此文疑有脫誤

今句麗王宮是也按承祚作志之時位宮久已破亾

不應云今王蓋承舊史之文

東沃沮傳

東部都尉治不耐城漢志作不而

沃人言其地多野葛大城皆草窠者之官

其地多野葛大城皆草窠者之官

其地多野葛大城皆草窠者之官

其地多野葛大城皆草窠者之官

三國志

文政十

